

**Seirbheisean do chloinn is dhaoine òga ann an sgìre Com-pàirteachadh
Dealbhaidh Coimhearsnachd Innse Gall**

Aithisg mu cho-sgrùdadadh

Dùbhlachd 2015

Clàr-innse

1.	Ro-ràdh	3
2.	Mar a rinn sinn an sgrùdadadh	5
3.	An Com-pàirteachadh Dealbhaidh Coimhearsnachd agus an co-theacsa airson seirbheisean a libhrigeadh do chloinn, dhaoine òga is theaghlaichean	6
4.	Dè cho math 's a tha adhartas a' tighinn ann am beatha chloinn, dhaoine òga is theaghlaichean?	8
	Prìomh bhuilean coileanaidh	8
	Buaidh air clann agus daoine òga	12
	Buaidh air teaghlaichean	17
5.	Dè cho math sa tha com-pàirtichean ag obair còmhla gus adhartas a thoirt air beatha chloinn, dhaoine òga is theaghlaichean?	21
	A' toirt seachad cuideachadh is taic aig ìre thràth	21
	A' measadh agus a' freagairt chunnartan agus fheumalachdan	23
	A' dealbhadh airson cloinn is daoine òga fa-leth	26
	A' dealbhadh agus ag adhartachadh sheirbheisean	29
	Com-pàirteachadh cloinne, daoine òga, teaghlaichean agus luchd-dèiligidh eile	33
6.	Dè cho math 's a tha ceannardas is stiùireadh sheirbheisean do chloinn is dhaoine òga?	36
7.	Co-dhùnadadh, raointean de neartan sònraichte agus raointean airson adhartais	40
8.	Dè thachras a-nis?	42
	Pàipear-taice 1 Eisimpleirean de dheagh chleachdaidhean	43
	Pàipear-taice 2 Slatan-tomhais deagh-ghnè	45
	Pàipear-taice 3 Na briathran a tha sinn a' cleachdadadh san aithisg seo	46
	Pàipear-taice 4 Frèam-obrach slatan-tomhais deagh-ghnè	48

1. Ro-ràdh

Mar a dh'iar Ministearan na h-Alba, tha Coimisean a' Chùraim a' stiùireadh co-sgrùdaidhean sheirbheisean do chloinn is dhaoine òga air feadh na h-Alba.
Nuair a tha sinn ag ainmeachadh clann is dhaoine òga san aithisg seo tha sinn a' ciallachadh dhaoine a tha fo aois 18 bliadhna no suas gu 21 bliadhna agus nas fhaide ma thathas air a bhith a' coimhead às an deidh.

Bidh na sgrùdaidhean sin a' tòirt sùil air an eadar-dhealachadh a tha seirbheisean a' dèanamh ann am beatha chloinn, dhaoine òga is theaghlaichean. Bidh iad a' tòirt a-steach an làn raon de dh'obair le clann, dhaoine òga is teaghlaichean taobh a-staigh ràon com-pàirteachaidh dealbhaidh coimhairsnachd. Nuair a bheir sinn iomradh air 'com-pàrtichean' san aithisg seo tha sinn a' ciallachadh stiùirichean sheirbheisean a tha a' cur ri dealbhadh coimhairsnachd, a' tòirt a-steach riochdairean bho Chomhairle nan Eilean Siar, NHS nan Eilean Siar, Poileas Alba agus Seirbheis Smàlaidh is Teasairginn na h-Alba.

Nuair a bheir sinn iomradh air 'luchd-obrach' san aithisg seo tha sinn a' ciallachadh cothlamadh sam bith de dhaoine a tha air am fastadh gus a bhith ag obair le clann, dhaoine òga is teaghlaichean a' tòirt a-steach luchd-tadhail slàinte, banaltraman sgoile, dotairean, luchd-teagaisg, luchd-obrach sòisealta, oifigearan poileis, agus an roinn saor-thoileach. Nuair a bheir sinn seachad beachd a bheir iomradh air buidhnean sònraichte de luchd-obrach, ainmichidh sinn iad gu sònraichte, mar eisimpleir luchd-tadhail slàinte no luchd-obrach sòisealta.

Anns na sgiobaidhean sgrùdaidh againn tha luchd-sgrùdaidh bho Choimisean a' Chùraim, Foghlam Alba, Adhartas Cùram-slàinte na h-Alba agus Luchd-sgrùdaidh nam Poileas airson na Banrigh ann an Alba. Am measg nan sgiobaidhean tha luchd-sgrùdaidh òga saor-thoileach, 's iad sin dhaoine òga le eòlas dìreach air seirbheisean càileachd is dion chloinne a gheibh trèanadh agus taic gus a bhith a' cur an cuid fiosrachaiddh is eòlais ris na tha sinn a' dèanamh gus ar cuideachadh ann a bhith a' measadh càileachd is buaidh na h-obrach anns a bheil com-pàrtichean an sàs. Tha Co-luchd-measaidh cuideachd nam pàirt de na sgiobaidhean sgrùdaidh. Is iad sin luchd-obrach agus manaidsearan bho sheirbheisean ann an sgìre com-pàirteachadh dealbhaidh coimhairsnachd eile. An cois an sgioba sgrùdaidh bha triùir luchd-obrach bho na h-Eileanan an Iar a ghabh pàirt anns an lèirmheas cleachdaidh a rinn sinn tro bhith a' leughadh chlàran cloinne.

Ann an 2014, dh'fhoillsich Coimisean a' Chùraim *Dè cho math 's a tha sinn ag adhartachadh bheathan chloinne, dhaoine òga is theaghlaichean? Iùil airson seirbheisean do chloinn is dhaoine òga a mheasadh a' cleachdadh cuimsean càileachd.* Tha sgiobaidhean sgrùdaidh a' cleachdadh an fhrèam-obrach seo gus measadh neo-eisimeileach a dhèanamh air càileachd is èifeachdas sheirbheisean. Ged a bhios luchd-sgrùdaidh a' tòirt aire don h-uile comharra san fhrèam-obrach seo, bidh sinn a' measadh naoi de na cuimsean càileachd anns gach sgrùdad, a' cleachdadh an sgèile sia-puing mar a tha sin suidhichte ann am Pàipear-taice 2. Chaidh na naoi cuimsean sin a thaghadh airson measaidh leis gu bheil iad a' tòirt a-steach eòlasan chloinne, dhaoine òga is theaghlaichean agus an eadar-dhealachadh a tha seirbheisean a' dèanamh nam beatha; na toraidhean a tha compàrtichean le chèile a' dèanamh ann a bhith ag adhartachadh thoraidhean dha clann air feadh na sgìre; agus priomh phròiseasan a tha sinn a' meas a tha air leth cudromach ann a

bhith a' coileanadh thoraidhean adhartach do chloinn is dhaoine òga. Is iad sin stiùireadh atharrachaidh is adhartais; dealbhadh is adhartachadh sheirbheisean agus a' toirt a-steach clann is teaghlaichean ann a bhith a' dèanamh sin; agus measadh is dealbhadh dha clann a tha gu sònraichte so-leònte, a' toirt a-steach clann is daoine òga a tha fo chùram no aig a bheil feum air dìon.

2. Mar a rinn sinn an sgrùdadadh

Chaidh an co-sgrùdadadh air seirbheisean do chloinn is dhaoine òga ann an sgìre Com-pàrteachadh Dealbhaidh Coimhearsnachd Innse Gall air adhart eadar a' Giblean agus an t-Ògmhios 2015. Thug e a-steach raon de chom-pàrtichean san sgìre a tha an sàs ann a bhith a' toirt seachad sheirbheisean do chloinn, dhaoine òga agus theaghlaichean.

Rinn sinn ath-sgrùdadadh air raon farsaing de phàipearan agus rinn sinn anailis air co-dhùnaidhean sgrùdaidh sheirbheisean càram do chloinn is dhaoine òga. Bhruidhinn sinn ri luchd-obrach air an robh uallach stiùiridh is riaghlaidh. Rinn sinn sgrùdadadh air daoine ainmichte agus proifeasantach adhartach. Bhruidhinn sinn ri grunn mòr de luchd-obrach a tha ag obair gu direach le clann, daoine òga agus teaghlaichean agus bha sinn an làthair airson sùil a chumail air cuid de choinneamhan. Rinn sinn lèirmheas air cleachdadadh tro bhith a' leughadh chlàran de shampall riochdachaidh den chloinn is dhaoine òga as so-leònte, a' toirt a-steach diofar aoisean, ghnèithean, chinnidhean, chiorram, chòdan-puist agus inbhean laghail. Gu lèir leugh sinn na clàran aig 42 leanabh agus duine òg. Choinnich sinn ri 117 leanabh is duine òg agus ri 19 pàrant agus neach-càram gus clunntinn bhuapa mun eòlas aca air seirbheisean. Tha sinn glè thaingeil dhan h-uile duine a bhruidhinn rinn mar phàirt den sgrùdaidh seo.

Tha Coimisean a' Chùram a' riaghlaidh agus gu cunbalach a' sgrùdadadh sheirbheisean càram clàraichte a tha air an toirt seachad no air an coimiseanadh le Comhairle nan Eilean Siar. Airson adhbharan an sgrùdaidh seo, thug sinn a-steach co-dhùnaidhean sgrùdaidh airson clann is daoine òga a rinnear thairis air an dà bhliadhna mu dheireadh. Thug sinn iomradh cuideachd air aithisg de cho-sgrùdadadh air seirbheisean gus clann a dhòn ann an sgìre Chomhairle nan Eilean Siar a rinn Luchd-sgrùdaidh Foghlam na Banrigh ann an 2010, gus beachdachadh air dè an adhartas a rinnear anns na raointean adhartais a chaidh aithneachadh san aithisg sin. Gheibhear an aithisg seo ag www.educationscotland.gov.uk

Leis gu bheil na co-dhùnaidhean anns a' cho-sgrùdaidh seo stèidhichte air sampall de chloinn agus dhaoine òga, chan urrainn dhuinn a bhith cinnteach mun chàileachd de sheirbheis a fhuair a h-uile leanabh san sgìre.

3. An Com-pàirteachadh Dealbhaidh Coimhearsnachd agus an co-theacsa airson seirbheisean a libhrigeadh do chloinn, dhaoine òga is theaghlaichean

Tha Innse Gall (cuideachd aithnichte mar Eilean Siar no na h-Eileanan an Iar) rin lorg a-mach bho thaobh iar-thuath tìr-mòr na h-Alba agus tha sluagh de 27,250 neach ann. Ann an Eilean Siar tha an treas àireamh-sluaign as ìse de na 32 ùghdarrasan ionadail agus a' còmhachd 3,059 cileamatair ceàrnagach. Is e an àite anns a bheil an t-ùghdarris leis an ìre sluaigh as lugha ann an Alba le naoi neach anns gach cileamatair ceàrnagach. Tha an àireamh-sluaign air àrdachadh aig ìre 5% bho 2003, an aon ìre 's a tha fior airson Alba air fad thairis air an ùine sin. Ann an Eilean Siar, tha 57% den t-sluagh de aois obrach a tha nas lugha nan àireamh airson Alba (62%). Thathas an dùil gu lughdaich an àireamh-sluaign san àm ri teachd. Bho na h-amasan mu àireamh-sluaign a rinnear ann an 2012, tha dùil gu lughdaich àireamh-sluaign nan Eilean Siar aig ìre 4% ro 2022 agus aig ìre 8% ro 2032 ach a thaobh àireamh-sluaign na h-Alba san fharsaingeachd tha dùil gun àrdaich sin aig ìre 4% ro 2022 agus 8% ro 2032. Thathas an dùil gu lughdaich àireamh-sluaign fo-16 nan Eilean Siar aig ìre 13% ro 2022 agus 22% ro 2032. Thathas an dùil gun àrdaich na h-àireamhan co-chosmhail airson Alba aig ìre 4% ro 2022 agus àrdachadh de 6% ro 2032. Tha dùblannan mòra mu choinneimh nan Eilean Siar mar thoradh air àireamh-sluaign a tha a' fàs nas sine agus gluasad leantainneach de dhaoine òga a' fàgail nan eilean airson tuilleadh foghlaim no cosnaidh. Ann an 2014 b'e aois cuibheasach luchd-còmhnaidh nan Eilean Siar 47 ann an coimeas ri aois cuibheasach 41 airson Alba.

Ann an Clàr Mòr-easbhuidh na h-Alba (SIMD) ann an 2012 cha do lorgar sgìre sam bith ann an Eilean Siar am measg na 15% de sgìrean as easbhuidhich ann an Alba. Ach is ann dìreach mu sgìrean dùthchail a thional an Àrd Neach-cunntais dàta SIMD 2009 agus tha seo a' sealltann Innse Gall mar aon de na sgìrean dùthchail as easbhuidhich ann an Alba. Tha teachd-a-steach dachaigheil so-chaitheimh nas ìse anns a' chòrr de dh'Alba agus ann an sgìrean dùthchail eile sa chinn a-tuath. Ged a tha àireamhan bochdain chloinne agus theaghlaichean easbhuidheach tuarastail nas ìse nan ìre cuibheasach nàiseanta, tha fìor dhùblannan mu choinneimh an fheadhainn a tha bochd anns na h-eileanan. Ann an Innse Gall tha an àireamh as àirde ann an Alba de theaghlaichean a tha a' fulang le bochdain connaidh is cruidh bhochdain. Tha Com-pàirteachadh Dealbhaidh Coimhearsnachd Innse Gall a' gealltann gun islich iad buaidh bochdain.

Tha an Còrdadh Singilte Bhuilean (2013-14) a' toirt a-steach an t-sealladh fad-ùine airson Innse Gall:

"Is e ar sealladh airson Innse Gall gum bi coimhearsnachd beairteach, foghlamaichte agus fallain ann le càileachd math beatha agus làn fhiosrachail mun àrainneachd nàdarra agus an dualchas cultarail againn."

Tha an com-pàirteachas ag aithneachadh gu bheil tràth bhliadhnaichean beatha leanaibh cho deatamach ann a bhith a' toirt cumadh air na cothroman beatha aca san àm ri teachd agus tha iad air a bhith air leth gnìomhach ann a bhith a' cleachdadh Co-nbrachadh nan Tràth-ìrean airson a bhith an sàs ann an dùblannan ionadail. Tha Com-pàirteachadh Chloinne is Dhaoine Òga Innse Gall (OHCYPPP)

ann sàs ann am pròiseas toirt air adhart a' Phlana Sheirbheisean Amalaichte na Cloinne (ICSP) 2015-18 aca. Tha am plana seo a' suidheachadh sealladh airson cloinn, daoine òga agus teaghlaichean gu bhith "ag obair ann an co-bhuinn gus a bhith a' faighinn ceartas do chloinn is dhaoine òga gu lèir ann an Innse Gall." Tha an OHCYPPP cunnatachail don Chom-pàirteachadh Dealbhaidh Coimhearsnachd airson a' phlana a lìbhrigeadh.

4. Dè cho math 's a tha adhartas a' tighinn ann am beatha chloinne, dhaoine òga is theaghlaichean?

Priomh bhulean coileanaidh

Tha an roinn seo a' beachdachadh air adhartasan anns na toraidhean a tha Com-pàirtichean Dealbhadh Coimhearsnachd air a choileanadh a thaobh trì teamaichean. Is iad sin a bhith ag adhartachadh għluasadan tro chasg is thràth-thaic; adhartasan ann an toraidhean do chloinn is dhaoine òga agus adhartasan ann an beatha chloinne is dhaoine òga so-leònte.

Bha coileanadh ann a bhith ag adhartachadh thoraidhean do chloinn agus do dhaoine òga iomchaidh. Bha coileanadh làidir ri fhaicinn ann an cuid de dh' àireamhan nàiseanta ri aithris ach cha robh com-pàrtichean comasach air sealltainn gu cuimseach na h-adhartasan a rinn iad ann an sunnd na cloinne is nan daoine òga. Bha adhartasan ann an gluasadan air banachdach leanaibh, beathachadh-broillich leis fhèin agus gabail ri bhiotamain a' cuideachadh le bhith a' toirt toiseach-tòiseachaidh nas fheàrr do chloinn. Gu h-iomlan bha adhartas a' tighinn air buileachadh chloinn is dhaoine òga. Bha an dàrna àireamh as mothà ann an Eilean Siar airson sgoilearan a' fàgail na sgoile agus a' dol gu cinn-uidhe adhartach ann an Alba ann an 2014 agus bha luchd-fàgail curaim a' faighinn deagh thaic. Bha cuid de dh'fhanais ann gu robh com-pàrtichean mothachail a thaobh gluasadan àicheil agus gun do rinn iad obair iomchaidh a thaobh adhartasan. Chleachd serbheis an Fhoghlaim raon farsaing de cheumannan a chuidich le bhith ag àrdachadh buileachadh. Chum NHS nan Eilean Siar sùil air adhartas gus piseach a thoirt air slàinte agus a bhith a' dèiligeadh ri neo-ionannachd slàinte tron phlana libhridh ionadail aca. Ge-tà, is e an Co-obrachail Tràth-ìrean an t-aon àrd-ùrlar a tha ann airson a bhith ag aontachadh cheumannan is thargaidean ioma-bhuidhneil. Is e glè bheag de dhàta cho-eagarrach a bha ann am measg nan com-pàrtichean airson tomhasan de għluasadan adhartach, builean do chloinn is dhaoine òga no ann am beathan chloinn is dhaoine òga so-leònte a sholarachadh.

Ag adhartachadh għluasadan tro chasg is thràth-thaic.

Bha Com-pàirteachadh Dealbhaidh Coimhearsnachd Innse Gall a' gealltainn a bhith an sàs aig ire thràth ann am beatha na cloinne, ag adhartachadh nam builean fad-ùine aca agus a' briseadh clearcallan easbhuidh. Bha compàrtichean ag obair gu cruaidh gus dèanamh cinnteach gu robh piseach thar ùine a' tighinn air sunnd na cloinne is dhaoine òga.

Bhathas a' cuideachadh mòran phàisdean gus faighinn an toiseach tòiseachadh a b' fheàrr nam beatha tro bheathachadh broillich gu h-iomlan anns a' chiad sia gu ochd seachdainean dem beatha. Ged a tha na ceudadan iomlan Albannach air a bhith seasmhach o chionn beagan bhliadhnaichean bha àireamhan nan Eilean Siar air àrdachadh gu h-iomlan agus air a bhith seasmhach os cionn na h-ìre cuibheasach an Alba airson na trì bliadhna a dh'halbh. Bha buidhnean gniomhach co-aoise leithid 'Bosom Buddies' a' cur ris an t-soirbheachadh seo. Anns a' Mhàrt 2014 fuair a h-uile boireannach trom cothrom air cùram ro-bhreith ro thorrachas 12 seachdain, a bha nas àirde nan targaid nàiseanta de 80%. Bha àireamhan gabail ri banachdach àrd agus, ged a chum iad aig ire mhath seasmhach a' cumail ris a'

ghluasad nàiseanta, bha iad air a bhith beagan na b' àirde nan ìre cuibheasach nàiseanta bho 2009. Bha àireamhan mòra de chlann glè òg a' faighinn mathachasan cudromach tro chuaireachadh fharsaing de bhoineagan bhiotamain 'Healthy Start'. Bhathas a' dèiligeadh ri ìre ìosal de bhith a' gabhail eàrlaisean 'Healthy Start' tro bhith a' conaltradh ri mòr-bhùth a bha mi-fhaiceallach mu bhith ag aithneachadh an fheadhainn a bha a' cleachdadh na h-eàrlaisean aca.

Bha na bu luga de mhàthraighean ann an Eilean Siar air an clàradh mar luchd-smocaidh aig a' chiad tadhail ro-bhreith aca nan ìre cuibheasach an Alba. Ach, ged a nochd ìrean nàiseanta isleachadh mean air mhean le coltas de sheasmhachd o chionn beagan bhliadhnaichean, air an làimh eile ann an Eilean Siar bha an ceudad de mhàthraighean a bha a' smocadh aig a' chiad tadhail ro-bhreith aca a' nochdadh àrdachadh mean air bhean bho 2005/7.

Bha comharran math air nochdadh ann an adhartas air slàinte fiaclich na cloinne. Bhathas a' brosnachadh cùram fhiacail anns na sgoiltean-àraich leis a' mhòr-chuid de sheirbheisean a' gabhail pàirt anns a' phrògram nàiseanta bruisseadh fhiacail agus ag àrdachadh àireamhan de chlann ann am priomh 1 air nach robh draghan fiacail am bith. Tha clàraighean fiaclich nan comharran air cho ruigsinneach sa tha cùram fiaclich dha clann ro-sgoile agus mar sin an comas aca faighinn gu cùram fiaclich casgach ann an ionadan dhotairean teaghlaich. Bha Eilean Siar air faicinn barrachd chloinn clàraichte le fiaclair bho 2010. Ged a lean Eilean Siar ann an 2014 a' mealtainn na h-àireamh clàraighe as ìle ann an Alba, tha an àrdachadh as mothair a bhith aca bho 2010 le 84% a-nis clàraichte ann an coimeas ri dìreach 55% ann an 2010, adhartas misneachail.

A dh'aindeoin sin, bha fior chothrom ann dha com-pàrtichean a bhith ag aithneachadh ghluasadan adhartach ann an grunn raointeann cudromach. Bha glè bheag de dhàta ann airson misneachd luchd-obrach a dhearbhadh gu robh com-pàrtichean gu soirbheachail a' dèiligeadh ri toraidhean bochdain chloinne. San aon dhòigh, ged a dh'aontaich a' mhòr-chuid den luchd-obrach a fhreagair an sgrùdaidh againn gum b'urrainn don t-seirbheis aca gluasadan adhartach a nochdadh mar thoradh air na modhan-obrach èifeachdach a bha aca a thaobh casg is tràth-thaic, agus gun robh iad a' dùnadh bheàrnán agus neo-ionannachdan toraidh, bha dìth fianais ann airson taic a thoirt do na beachdan aca. Cha robh e comasach do chom-pàrtichean gluasadan a nochdadh ann am priomh cheumanan sàbhailteachd coimhearsnachd leithid teintean taighe, tubaistean no dol a-mach mi-shòisealta.

Adhartasan ann am builean do chloinn is dhaoine òga

Dh' aontaich a' mhòr-chuid de luchd-obrach a fhreagair sgrùdadadh Coimisean a' Chùram gu robh an t-seirbheis aca ag obair a rèir seata shoilleir de thargaidean adhartais, ag amas air builean nas fheàrr a choileanadh do chloinn is dhaoine òga.

Bha ìrean reamhrachd ann an cloinn nas àirde nan ìre cuibheasach nàiseanta agus bha iad air a bhith mar sin bho 2006/7. Bha an Còrdadh Singilte Bhuilean agus Co-obrachadh nan Tràth-ìrean air aithneachadh gu robh lughdachadh ann an reamhrachd na mhòr phriomhachas gniomh. Bha e na mhisneachd gu robh an àireamh de chloinn de aois 7-13 a chur crìoch air taic cuideam fallain ron Mhàrt 2014 aig ìre 202, fada air thoiseach air an targaid nàiseanta de 75. Bha com-pàrtichean gu gniomhach ag àrdachadh na h-ìre de ghnìomhachd corporra eagraichte agus an

àireamh de chloinn a bha ag ithe biadh fallain ann an ionadan tràth ionnsachaidh is càram chloinne mar oidhirt air reamhrachd a lughdachadh. Cha robh dàta fhathast ri fhaighinn a bha a' nochdadhd dè cho math sa bha na gniomhan sin air an cuir nan àite. Tha coltas ann gun toir e beagan ùine mus nochd lughdachadh a ghabhas tomhas ann an reamhrachd mar thoradh air na gniomhan sin.

Bha èirigh de għluasad anns a' cheudad de chlann a bha a' ruighinn a h-uile clach-mhile leasachaidh ris an robh dùil aig an àm a thòisich an leanabh san sgoil. Bha na h-àireamhan os cionn na targaid nàiseanta. Bha seo a' sealltainn gu robh barrachd is barrachd de chloinn nas dualtaich a bhith a' soirbheachadh san sgoil leis gu robh iad tòrr nas deiseil airson ionnsachaidh.

Gu h-iomlan, bha adhartas air a thighinn ann an ire buileachaidh is coileanaidh nan sgoilear ann an Eilean Siar. Choilean cha mhòr a h-uile leanabh a dh'fhàg an sgoil duaisean ann an litearrachd is àireamhachd aig ire 3 no nas àirde agus choilean timcheall air leth de gach sgoilear a dh'fhàg an sgoil duaisean litearrachd is àireamhachd aig ire 5 no nas àirde. Bha seirbheisean Foghlaim a' cleachdadhd raon farsaing de cheumannan a bha a' cuideachadh le bhith ag àrdachadh coileanadh tro anailis fhaiceallach, tuigse agus gniomh às a dheidh. Thug seo a-steach a bhith a' toirt sùil mhionaideach air buaidhean easbhuidh is so-leòntachd. Mar thoradh air a' Churraicealam airson Sàr-mhathas, rinn sgoiltean tomhas air a' cheudad de sgoilearan a ràinig na h-ìrean clach-mhile aca. Chaidh anailis a dhèanamh air an fhiosrachadh seo agus rinn buidhnean ionadail dearbhaidd-càileachd cinnteach gu robh sgoiltean a' dealbhadh còmhla. Gu drùidh teach, chaidh panalan cuimse a chleachdadhd airson dearbhadh-càileachd obair nan sgoilearan agus airson seasmhachd àrdachadh thar sgoiltean. Bha raon farsaing de dhàta measaidh àbhaisteach aig Foghlam agus air an stèidh seo bhathas an dùil gum biodh sgoiltean a' dealbhadh phlanaichean gniomh iomchaidh. Bha gluasadan adhartach math anns an dàta seo.

Chaidh coileanadh nas fharsainge a thoirt a-steach gu mòr agus bha mòran de chloinn agus dhaoine òga gu gniomhach an sàs ann an obair saor-thoileach tro Dhuaisean na Bratach-croise, Chalanais agus Dhiùc Dhùn Èideann. Bha còrr air 300 duine òg air buannachd fhaighinn bho Sgeama Duais Diùc Dhùn Èideann. Bha seo gu riocdmhor mòran nas àirde nan ire cuibheasach nàiseanta agus bha àrdachadh seasmhach air a bhith san ire com-pàirteachaidh. Air an làimh eile, bha luchd-obrach air feadh nam buidhnean aig ire thràth de bhith gu seasmhach a' tional agus a' clàradh fiosrachaidh mun ire gun do choilean clann is daoine òga nas fharsainge gu bhith na chlàr meadhanach, ruigsinneach. Bha seo a' ciallachadh nach robh fiosrachadh mu chuid de na choilean daoine òga furasta fhaighinn gus am biodh sin aithnichte dha feadhainn eile. Dh'fhàg seo cuideachd nach robh e cho dualtach gun deidheadh an fhiosrachadh luachmhor seo mu dhaoine òga fa-leth a thoirt còmhla gus tomhas toraidh cudromach a sholarachadh.

San Dàmhair 2014, bha 96.9% de sgoilearan a dh'fhàg an sgoil aig ceann-uidhe adhartach, a bha os cionn na h-ìre cuibheasach nàiseanta, agus bha e air a bhith mar sin gu seasmhach bho 2009/10. Bha com-pàirtichean air aire mhath a thoirt do bhith déanamh cinnteach gu robh daoine òga a' gluasad bhon sgoil gu foghlam adhartach no àrd-ìre, trèanadh no cosnadh. Bha seo air toirt a-steach leasachadh de chom-pàirteachadh làidir le luchd-fastaidh ionadail agus a' cruthachadh chothroman ionnsachaidh gus coinneachadh ri feumalachdan a' mhargaidh obrach ionadail. Bha

dùblannan mòra ann fhathast ann a bhith a' dèanamh cinnteach gu robh an fheadhainn a dh'fhàg an sgoil comasach air cumail suas gu soirbheachail na cinnuidhe adhartach a fhuair iad.

Nochd na co-dhùnaidhean bho sgrùdaidhean Dòigh-beatha agus Ana-caitheamh Stuthan Òigearan Sgoiltean na h-Alba (SALSUS) gu robh clann aig aois 13 is 15 bliadhna ann an Eilean Siar a' sealtainn lughdachadh ann an cleachdadhe deoch làdir is dhrogaichean ann an 2013, ann an coimeas ri sgrùdadadh 2010. Bha compàirtichean den bheachd gu robh lughdachadh air a thighinn ann an cleachdadhe stuthan am measg dhaoine òga ach ghabh iad ris gu robh seo fhathast na fhìor dhuilgheadas dha cuid de dhaoine òga so-leònte. Thug a' bhuidheann treas roinn Gniomh na Cloinne seirbheis ana-cleachdaidh dhrogaichean tràth-thaic seachad ag obair le clann is daoine òga aig aois 9-18 bliadhna. Bha e ag obair gu dlùth leis na poileis, luchd-obrach foghlaim is na h-obrach shòisealta gus a bhith a' solarachadh taic do chloinn is dhaoine òga a bha fo bhuaidh ana-cleachdadhe stuthan aig deireadh na seachdain.

Adhartasan ann an cothroman beatha chloinn is dhaoine òga so-leònte

Cha robh Comataidh Dìon Chloinne Innse Gall (OHCPC) fhathast comasach nochdadhe gu robh clann is dhaoine òga air an dòn na b'fheàrr. Thional an OHCPC fiosrachadh agus rinn iad aithris air raon de dh'fiosrachaidd meud is bitheantais a' toirt a-steach fiosan dion chloinne, clàraighean agus co-labhairtean cùise agus mar a bha fior a thaobh mòran de sgìrean eile ann an Alba, cha robh an OHCPC fhathast air aithne fhaighinn air tomhasan brigheil dè cho math sa bha iad a' dòn chloinne is dhaoine òga. Gun teagamh, bha dùbhlann a bharrachd ann leis nach robh na h-àireamhan glè iosal a' leigeil le gluasadan brigheil a bhith furasta an aithneachadh. Ge-tà thug cuid de dh'àireamhan fianais chudromach seachad, mar eisimpleir thug com-pàirtichean an aire nach deach ach direach aon cho-labhairt cùise ro-bhreith a chumail anns na seachd bliadhna bho 2005 gu 2011 agus sna trì bliadhna roimhe sin bha ochd air a bhith ann. Chomharraich seo gu robhas air adhartas a dhèanamh ann a bhith ag aithneachadh cunnart agus so-leòntachd ro-bhreith agus a' dèanamh tràth-thaic comasach.

Tha fior ghainead taigheadais ann an Eilean Siar agus aig àm an sgrùdaidh b'e dhaoine òga a th'ann an aon a-mach à triùir gun dachaigh a tha a' tighinn mun coinneimh. Dhearbh lèirmheas o chionn ghoirid de luchd-fàgail càrach ged a bha glè bheag dhiubh gun dachaigh, bha an àireamh a dh'fiosraich dith-dachaigh aig ire àrd. Bha seo na adhbhar airson planaichean o chionn ghoirid adhartachadh airson roghainnean dachaigh dha dhaoine òga, agus gu sònraichte luchd-fàgail càrach.

Bha feum air adhartas a thaobh builean dha clann a bha fo chòraim. Bha buileachadh airson clann a bha fo chòraim gu mòr nas isle nan ire cuibheasach nàiseanta agus an **inneal coimeas brigheil**. Bha an àireamh de chloinn a bha fo chòraim a chaidh an casg bho bhith san sgoil gu mòr nas àirde nan àireamh airson Alba. Bha compàrtichean mothachail gum biodh nas lugh a bhrigh anns na h-àireamhan beaga a thaobh coimeasan agus bha iad a' stri gus dòigh nas fheàrr aithneachadh airson sùil a chumail air toraidhean a thaobh clann fo chòraim. B'e eisimpleir de bhith ag àrdachadh mothachaidh air feumalachdan dhaoine òga fo chòraim ann an sgoiltean, gu robh curaidh airson dhaoine fo chòraim anns gach roinn cuspair ann an Sgoil MhicNeacail, an àrd-sgoil as motha a th'ann an Steòrnabhagh.

Bha com-pàrtichean gu làdir airson gu lughdaicheadh iad an àireamh de chloinn is dhaoine òga a bha fo chùram ann an ionadan sònraichte air tìr-mòr, agus iad den bheachd nach robh iad idir cinnteach gu robh sin na adhartas san fhad-ùine a thaobh builean nas fheàrr dha daoine òga. Bha iad air mòran obrach a dhèanamh gus an amas seo a choileanadh. Bha seo air toirt a-steach ath-leasachadh air seirbheisean anns na h-Eileanan an lar gus àrdachadh a thoirt air a' chothrom gum biodh e comasach dhaibh coinneachadh ris na diofar fheumalachdan aig clann is daoine òga a bha roimhe seo air an cuir ann an ionadan sònraichte air tìr-mòr. Ach, cha robh e fhathast comasach dha com-pàrtichean gluasadan adhartach a dhearbhadh mar thoradh air an iomairt seo.

Bha mòran de luchd-fàgail càram fhathast a' conaltradh ris na seirbheisean sòisealta agus bha cha mhòr leth den fheadhainn a bha airidh air ath-fhrithealadh ann an cosnadh, foghlam no trèanadh ann an 2013/14. Bha an àireamh de luchd-fàgail càram le gniomhachd eaonamach dearbhte aig ìre 60%. Bha na h-àireamhan sin gu mòr nas àirde nan ìre cuibheasach an Alba agus chuir sin ri cothroman beatha nas fheàrr dha luchd-fàgail càram.

Bha cionnt òigridh a' lughdachadh mar a bha a' ghluasad nàiseanta. Dh'fhaodar anailis nas mionaidich a dhèanamh air an dàta seo gus fiosrachadh a thoirt do dhealbhadh sheirbheisean san àm ri teachd.

Ged a chum leatromach deugaire aig ìre nas isle nan ìre cuibheasach, cha robh e fhathast a' tuiteam gu ìre a' ghluasaid nàiseanta. Bhiodh feum air na h-àireamhan sin a sgrùdadh nas doimhne gus dèanamh cinnteach nach lean an t-slighe gnàthach gu gluasadan ag àrdachadh san àm ri teachd.

Buaidh air clann agus daoine òga

Tha an roinn seo mu dheidhinn na h-ìre gu bheil clann is daoine òga comasach air an toiseach-tòiseachaidh as fheàrr fhaighinn nam beatha agus a' bhuaidh a bhios aig an sin air an cuid sunnd. Tha e mu dheidhinn cho math sa tha clann is daoine òga air an cuideachadh gu bhith sàbhailte, fallain, a' coileanadh, earbsach agus air an toirt a-steach.

Gu h-iomlan, bha a' bhuaidh aig seirbheisean air sunnd chloinne is dhaoine òga a' fàs suas ann an Eilean Siar math. Bhathas a' comharrachadh cànan, cultar is traidisean ciùil na Gàidhlig gu gniomhach, a' brosnachadh dearbh-aithne roinnte agus mothachadh de bhuinteanas am measg mòran de chloinn is dhaoine òga. Bha a' mhòr-chuid de chloinn is dhaoine òga a' gabhail pàirt anns na co-dhùnaidhean a bha a' toirt buaidh orra, bhathas a' toirt làn spèis do na còraichean aca ged a bha cuid de dhaoine òga a' faireachdann gu robh iad air an taobh a-muigh an àite a bhith nam pàirt de na coimhearsnachdan aca. Thuirt grunn de dhaoine òga nach robh burraidheachd, a bha na dhuilgheadas a thug buaidh air buidheann beag ach cudromach de dhaoine òga, air a làimhseachadh gu h-èifeachdach an-còmhnaidh. Bha clann is daoine òga nas sàbhailte mar thoradh air oidhirpean luchd-obrach, luchd-càram agus buill teaghlaich. Fhuair mòran de chloinn is dhaoine òga buannachd bho bhith a' fuireach ann an dachaighean is ionadan teaghlaich a bha seasmhach is taiceil, air an comharrachadh le dàimhean àraichte, misneachd is cleachdaidhean

adhartach. Bha an fheadhainn do nach robh e comasach a bhith a' fuireach san dachaigh a' faighinn taic shoirbheachail gus an cumadh iad conaltradh suas leis na teaghlaichean aca. Ach, cha do dh'fhiorsraich cuid de chloinn an àrach a bha deatamach gun an comasachadh gu bhith a' fàs agus a' tighinn air adhart gu math. A dh'aindeoin oidhirpean luchd-obrach, lean beagan chloinn is dhaoine òga orra le bhith an sàs le trioblaidean slàinte corporra is inntinn, gu tric mar thoradh air droch dhearmad anns na trath bhliadhnaichean aca. Ann am mòran de chùisean, bha teaghlaichean, luchd-cùraim is proifeasantaich a' coinneachadh gu math ri feumalachdan na cloinne, ach bha cunnart ann gu robhas a' dol thairis air na feumalachdan slàinte aig cuid de chloinn is dhaoine òga fo chàraim leis nach robhas a' dèanamh measadh ceart air an cuid slàinte.

Dè cho math sa tha clann is daoine òga air an cuideachadh gu bhith air an cumail sàbhailte?

Bha sinn air ar misneachadh gu robh a' mhòr-chuid de chloinn is dhaoine òga a' faireachdainn sàbhailte a' fuireach ann an Eilean Siar. Bha a' mhòr-chuid misneachail a' gluasad mun cuairt an nàbaidheachd agus na coimhearsnachdan aca le ìrean ìosal de thrafaic agus eucoir a' cur ris an fhaireachdainn seo. Ach a dh'aindeoin sin, bha beagan dhaoine òga a' faireachdainn gun robh iad air an taobh a-muigh agus aonaranach agus bha seo gu sònraichte duilich ann an co-theacsa coimhearsnachd dùthchail a bha faisg agus dlùth. Ged a bha a' mhòr-chuid de dhaoine òga a' faireachdainn glè shàbhailte anns an sgoil bha cuid de dhaoine òga a' fiosrachadh burraidheachd.

Bha oifigearan poileis ag obair gu dlùth le sgoiltean gus mothachadh àrdachadh mu shàbhailteachd agus gus sgilean chloinne is dhaoine òga àrdachadh airson an cumail sàbhailte. Thug seo a-steach raon farsaing de chuspairean bho shàbhailteachd rathaid gu bhith a' cleachdad an eadar-lion gu sàbhailte. Bha clann is daoine òga so-leònte nas sàbhailte anns na teaghlaichean aca fhèin mar thoradh air luchd-obrach a bhith ag obair gu math còmhla. Bha cuid de chloinn nas sàbhailte mar thoradh air luchd-obrach a' cuideachadh nam pàrantan aca dèiligeadh ri raon de dhùblannan a' toirt a-steach duilgheadasan dhrogaichean is deoch làidir. Bha seo air leantainn a dh'ionnsaigh pàrantachadh nas sàbhailte agus lughdachadh chunnartan don chloinn.

Lorg sinn gun tug e droch bhuaidh air cuid de chloinn gu robh dàil ann a bhith a' sìreadh cheumannan laghail èifeachdach - cha deach fiosan a chur chun Neach-aithris luath gu leòr, agus mar thoradh air an sin bha a' chlann sin ann an cunnart cron airson ùine ro fhada. Bha clann is daoine òga nach b'urrainn a bhith a' fuireach san dachaigh aca gu sàbhailte air an dòn le cùram luchd-dàimh, altraim no còmhnaidheil. Bhathas a' riaghladh conaltraidh le pàrantan gu math agus bha seo na eòlas thlachdmhor is shàbhailte dha clann is daoine òga a bha fo chàraim.

Ged a bha eisimpleirean ann de luchd-fàgail cùraim so-leònte air an deagh dhòn bho dhroch chron bha beagan eisimpleirean ann de chothroman a chaidh a chall airson a bhith an sàs no a dhol air ais an sàs le daoine òga, agus lean seo gu draghan nas motha mun t-sàbhailteachd aca.

Dè cho math sa thathas a' cuideachadh chloinn is dhaoine òga gu bhith fallain?

Bha e soilleir gu robh tràth-thaic a' toirt buaidh adhartach air slàinte na cloinne. Thug seirbheisean trath-bhliadhnaichean biadhan is blasadan-bìdh fallain, uisge is bainne seachad a rèir an cleachdadach mathachaидh as fheàrr. Bha na h-oidhirpean sin ag adhartachadh slàinte na cloinne a bha an làthair. Bha barrachd is barrachd de naoidheanan a' faighinn beatachadh air a' bhroillich agus bha a' bhuidheann màthaireil is pàisde air fèin-spèis is misneachd theaghlaichean àrdachadh ann an raon farsaing de sgilean beatha is pàrantachaidh.

Chuir daoine òga luach air comhairle slàinte cudromach, gu sònraichte tro 'Pointers' agus rinn iad iomradh air a' bhuaidh adhartach a bha aige orra. Thug seo a-steach slàinte gnèitheasach, drogaichean is deoch làidir agus ithe fallain. Bha slàinte cuid de chloinn ann an cùram luchd-dàimh a' tighinn air adhart mar thoradh air comhairle chuideachail bho phroifeasantaich slàinte. Bha eisimpleirean ann de chloinn fo chòraim a rinn adhartas slàinte mar thoradh air measadh farsaing de feumalachdan slàinte agus plana na chois gus coinneachadh ris na feumalachdan sin. Gu mì-fhortanach cha d'fhuair clann is daoine òga gu lèir measaidhean slàinte farsaing aig an àm agus mar thoradh air an sin cha deach na feumalachdan slàinte aca a ghlacadh tràth gu leòr. Lean droch dhearmad agus dearmad seasmhach tràth nan òige a' toirt buaidh air slàinte corporra is inntinn grunn chloinn is dhaoine òga aig an robh clàran a leugh sinn a dh'aindeoin an cuideachadh a thug na seirbheisean seachad.

Dè cho math sa thathas a' cuideachadh chloinn is dhaoine òga gu bhith a' coileanadh?

Bha clann is daoine òga ann an Eilean Siar a' leasachadh fèin-chòraim agus sgilean beatha gu soirbheachail fhad 's a bha iad a' gluasad tron òige. A thaobh beagan chloinn chaidh seo a choileanadh às deidh toiseach-tòiseachaidh thruaigh nam beatha, a' comharrachadh comas agus dealasachd a bhith aig an aon ìre ri an co-aoisean, a bharrachd air taic èifeachdach bho luchd-obrach. Bha beagan chloinn is dhaoine òga air droch dhearmad fhlang airson ùine cho fada nan tràth òige 's gun lean an droch bhuaidh sin air an comas ionnsachaidh anns na bliadhnaichean a lean.

Bha cuid de dhaoine òga a' faighinn buannachd bhon dòigh anns an deach taic a thoirt do na pàrantan aca a bhith a' cluich agus a' dol an sàs còmhla riutha. Bha seo air an cuid ionnsachaidh agus leasachaidh a bhrosnachadh. Bha an Goireas Ionnsachaidh Leudaichte air cuideachadh a thoirt do dhaoine òga sgilean littearrachd is àireamhachd a choileanadh a bharrachd air a bhith ag àrdachadh an cuid fèin-spèis is misneachd. Bha gnìomhachd leithid togail eathraichean is iomairtean air dhaoine òga a chuideachadh gus na sgilean aca a leasachadh a bha sònraichte ionchaidh aig ìre ionadail. Ach, bhiodh cuid de chloinn a bha fo chòraim air buannachd fhaighinn nam biodh iad air barrachd cuideachadh fhaighinn airson na toraidhean foghlaim aca adhartachadh. Cha robhas a' toirt cudromas gu leòr an-còmhnaidh do làthaireachd sgoile agus cha robhas a' dèiligeadh gu h-èifeachdach an-còmhnaidh ri droch fhrithealadh.

Chaidh cha mhòr a h-uile neach-fàgail na sgoile gu cinn-uidhe adhartach. Bha raon de sheirbheisean taic air an suidheachadh gus na daoine òga sin nach robh a' gabhail ri foghlam foirmeil a għluasad air adhart gu cinn-uidhe adhartach. Bha aontan gniomhachd air 74% de luchd-compàirt a chuideachadh gus faighinn gu ceann-uidhe adhartach ann an 2014.

Dè cho math sa thathas a' cuideachadh chloinn is dhaoine òga gu bhith faighinn eòlas air cùram àraich?

Dh'friosraich mòran chloinn cùram altraim agus mothachadh air a bhith nam pàirt de choimhearsnachd nas fharsainge a bharrachd air a bhith anns na teaghlaichean aca fhèin. Thug iad cunntas air faireachdainn làidir, comhfhurtail gu robh nàbaidhean "a' coimhead a-mach air an son". Leis gu robh luchd-obrach an sàs gu socair, seasmhach, earbsach agus cùramach bha sin a' cuideachadh mòran chloinn is dhaoine òga a bhith ag ionnsachadh sgilean ùra agus a' fàs ann am misneachd. Mar eisimpleir, thug luchd-cùraim òga a' frithealadh Pointers cunntas gu robh sin a' toirt dhaibh mothachadh nas fheàrr air sunnd agus misneachd.

Bha a' mhòr-chuid de chloinn a bha fo chòraim air falbh bhon dachaigh air an cuideachadh gus conaltradh a chumail suas leis na teaghlaichean breith aca agus daoine sònraichte eile a bha nam beatha. Chuidich seo iad gus togail air an dearbh-aithne aca agus mothachadh air cò às a bha iad. Fhuair a' mhòr-chuid de chloinn is dhaoine òga so-leònte buannachd bho bhith a' fuireach ann an dachaighean no ionadan còmhnaidheil seasmhach is taiceil air an comharrachadh le dàimhean àraich, misneachadh adhartach agus cleachdad. Ach, cha do dh'friosraich a h-uile leanabh an ìre de dh'àraich a bha deatamach gus cothrom a thoirt dhaibh fàs agus leasachadh math fhaighinn. Airson beagan chloinn, cha robh rèiteachadh còmhnaidh seasmhach gu leòr gus leigeil le leasachadh ann an dàimhean àraich. Mar thoradh air easbhuidhean roimhe seo ann an àrach dh'fhàg sin gu robh neo-sheasmhachd agus fìor dhùblannan ann dha cuid de luchd-fàgail cùraim agus iad a' gluasad air adhart gu bhith a' coimhead às an deidh fhèin.

Dè cho math sa thathas a' cuideachadh chloinn is dhaoine òga gu bhith gniomhach?

Ghabh clann is daoine òga bho air feadh diofar choimhearsnachdan pàirt ann an raon math de ghniomhachd. Thug sin a-steach tlachd bho phàircean cluiche tarraigeach, a' cluich gheamannan san sgoil a-muigh agus a-staigh, bogsadh, snàmh, iasgach, rothaireachd beinne agus a' gabhal pàirt ann an tursan sgitheadh air tìr-mòr. Bha luchd-obrach is luchd-cùraim fa-leth is coimhearsnachdan gu soirbheachail a' toirt seachad ruigsinneachd nas fheàrr do dhòighean beatha nas gniomhaich aon chuid tro sgoil-àraich, spòrsan sgioba mach à sgoile no gniomhachd coimhearsnachd. Chum àrd-ìre de dh'obair coimhearsnachd is phàrant, a' toirt a-steach togail airgid, a' ghniomhachd sin a' dol.

Ged a bha mòran de chloinn is dhaoine òga fo chòraim air an comasachadh gus ùidhean a leasachadh agus pàirt a ghabhail ann an raon farsaing de ghniomhachd corporra, bha grunn phlanaichean cloinne nach robh mionaideach gu leòr a' sealltann air dòighean-beatha a bha nas gniomhaich a bhrosnachadh. Bhathas a' misneachadh luchd-fàgail cùraim gu soirbheachail ann a bhith a' leasachadh dòighean-beatha nas gniomhaich tro Oidhcheannan Buidhne Slighe cunbalach far

na dh'fheuch iad air diofar ghniomhachd corporra. Bha ballrachd an-asgaidh ri fhaighinn ann an ionad-eacarsaich airson luchd-fàgail càraig agus chaidh sùil a chumail air ère cleachdaidh agus ath-sgrùdadh a dhèanamh gus a bhith cinnteach gu robh seo na chuideachadh air barrachd gnìomhachd corporra. Fhuair daoine òga ann an Leòdas agus Na Hearadh le feumalachdan a bharrachd buannachd bho cluba mìosail Disathairne (S'Math Sinn) air a ruith le Gnìomhachd na Cloinne. Ghabh iad pàirt ann an raon de gnìomhachd cur-seachadan a' toirt a-steach dannsa, bobhladh deich-dealgain agus seòladh.

Dè cho math sa thathas a' toirt spèis do chloinn is do dhaoine òga?

Bha clann so-leònte a' gabhail pàirt ann am priomh phròiseasan a bha a' toirt a-steach cho-dhùnaidhean a bha a' toirt buaidh orra. Chaidh na beachdan aca a shireadh agus a chlàradh agus gu tric bhathas a' tabhann comhairle neo-eisimeileach dhaibh. Chuir clann is daoine òga a bha fo chùraim luach air an t-seirbheis Who Cares?:

“...tha iad ann an-còmhnaidh, tha iad ag èisteachd, a' cuideachadh le bhith ag atharrachadh rudan agus a' cuideachadh le bhith a' faicinn rudan math agus chan e rudan dona.” Thug seo mothachadh cudromach do dhaoine òga a thaobh sàbhailteachd is earbsa.

Anns cha mhòr a h-uile clàr iomchaidh a leugh sinn bha clann is daoine òga a' faighinn taic airson gun tuigeadh iad agus gun cleachdadadh iad na còraichean aca. Ach, cha robh mothachadh de chòraichean cloinne fhathast cho bitheanta agus mar thoradh air an sin cha robh clann gu lèir air an comasachadh gus a bhith a' cleachdadadh nan còraichean aca. Bha cuid de chloinn is dhaoine òga a dh'fhairich nach deach spèis gu leòr a thoirt dhaibh nuair a bha dìth fòcas air na feumalachdan fa-leth aca. Gu sònraichte bha cuid de luchd-fàgail òg na sgoile a bha air trioblaidean fhiosrachadh san sgoil a' faireachdann gu robh luchd-obrach air a bhith "a' bruidhinn sìos" riutha. B'e beachd leantainneach a bha a' nochdad bho chlann a bha fo chùraim gu robh e gu math duilich dhaibh briseadh air falbh bhon chomharra-maslaidh gu robh iad ann an suidheachadh càraig. Thug dhaoine òga cunntas air an seo mar gu robh daoine "...a' faireachdann gu robh fios aca mu do sgeulachd agus mura robh gun dèanamh iad fhèin suas e". Bha cuid de dhaoine òga den bheachd gu robh seo a' cur ri dìth spèis sa choimhearsnachd do chloinn a bha fo chùraim.

Dè cho math 's a thathas a' cuideachadh chloinn is dhaoine òga gu bhith nan saoranaich earbsach?

Bha mòran chloinn is dhaoine òga a' cur gu mòr ris na coimhearsnachdan aca tro obair saor-thoileach. Bha sgoiltean a' cur taic ris an seo gu h-èifeachdach tro bhith a' brosnachadh Duaisean na Bratach-croise, Chalanais agus Dhiùc Dhùn Èideann. Nochd clann is daoine òga mothachadh a thaobh bochdain cloinne agus suidheachaidhean èiginneach ann an dùthchannan eile. Mar eisimpleir bha aon sgoil air a bhith a' togail airgid gus taic a chumail ri daoine ann an Nepal. Bha cuid de dhaoine òga air cuideachadh fhaighinn airson an giùlan fhèin atharrachadh gu mòr agus fhuair iad seachad air duilgheadasan a bh'aca roimhe sin. Mar thoradh air na h-oidhirpean agus stiùireadh làidir a thug priomh luchd-obrach seachad fhuair iad tuigse nas fheàrr air an giùlan fhèin agus għluais iad gu bhith nan saoranaich earbsach. A thaobh beagan chloinn is dhaoine òga, dh'haodadh luchd-obrach a

bhith na b' fhurachail mu atharrachadh giùlain no suidheachaidhean teaghlaich. Nam bithear air amannan aithneachadh nuair a bha feum aig leanabh no duine òg air taic a bharrachd dh'fhaodadh sin a bhith air casg a chuir air dol a-mach cunnartach. Mar eisimpleir dh'fhaodar a bhith air daoine òga a bha an sàs ann an giùlan miù-shòisealta agus/no giùlan eucoir a chuideachadh gus uallach a ghabhail airson an cuid giùlan tro dhùblannan socair agus taic stiùiridh airson atharrachadh giùlain aig ire na bu thràithe. Ann am beagan chûisean nam bithear air barrachd aire mhionaidich a thoirt do ire de dh'uallach a bhathas a' dùileachadh bho leanabh bhiodh seo air dèanamh cinnteach gu robhas an-còmhnaidh mothachail air an aois aca. Cha robhas an-còmhnaidh a' toirt freagairt sgiobalta do chomharran gu robhas a' dùileachadh cus uallach bho leanabh òg san dachaigh.

Dè cho math 's a tha clann is daoine òga air an cuideachadh gus am bi iad a' faireachdainn gu bheil iad air an gabhail a-staigh?

Bhathas gu gniomhach a' comharrachadh cànan, cultar is traídisean ciùil na Gàidhlig agus bhathas a' brosnachadh dearbh-aithne roinnt agus mothachadh buinteanais am measg mòran chloinn is dhaoine òga. Anns a' phàipear-naidheachd mìosail an-asgaidh *Events*, bha fiosrachadh anns gach iris mun ire gu robh clann is daoine òga an sàs ann an gniomhachd foghlaim na Gàidhlig. Bha seirbheisean Foghlaim is Cloinne cuideachd gu cunbalach a' pàigheadh airson artaigilean, ag amas air a bhith a' brosnachadh bheachdan adhartach sa choimhearsnachd a thaobh chloinn is dhaoine òga so-leònte.

Bha daoine òga a bha a' fuireach aig an taigh agus iadsan a dh'fheumadh fuireach air falbh bho na teaghlaichean aca air am misneachadh gu h-èifeachdach gu bhith a' ceangal a-steach don choimhearsnachd san robh iad a' fuireach. Fhrithéal iad gniomhachd ionadail agus leasaich iad càirdeas le cuid eile. Ach, bha fhathast cuid de chloinn is dhaoine òga a bha beò le doilgeas a' faireachdainn iomallach taobh a-staigh nan teaghlaichean agus nan coimhearsnachdan aca. Aig amannan bha feum air dùbhlann nas èifeachdaich do na teaghlaichean aca. Cha robh iad an-còmhnaidh air an comasachadh gus càirdeas a leasachadh le an co-aoisean agus a bhith a' frithéalachd gniomhachd coimhearsnachd. Bha cuid de dhaoine òga so-leònte nach robh a' faireachdainn gu robh iad air an gabhail a-staigh leis nach robh e comasach dhaibh coinneachadh ris na bha a' choimhearsnachd agus an eaglais a' dùileachadh bhuapa. Bha cuid eile, ged a bha iad a' faireachdainn gu robh a' choimhearsnachd gan toirt a-staigh, den bheachd nan dèanadh iad rud sam bith ceàrr, "...gum biodh an comharradh-masladh ceangailte leat". Bha cuid de dhaoine òga a bha air a thighinn a dh'fhuireach ann an Eilean Siar às deidh dhaibh fàs nan òige no nan deugairean a' faireachdainn nach robh an co-aoisean a' cur fàilte orra mar thoradh air "Gun fàilte air daoine bhon taobh a-muigh". Bha cuid de dhaoine òga a' fiosrachadh burraidheachd agus iomallachd. Bha cuid de choimhearsnachdan a' faicinn suidheachadh leasbach, geidh, dà-thaobhach no thar-ghnè mar rud nach robh ceart, agus mar sin bha daoine òga leisg a bhith ag innse sin agus cha b'urrainn dhaibh a bhith comhfhurtail annta fhèin. Cha robh fios aig daoine òga an-còmhnaidh càite am faigheadh iad taic airson seo.

Buaidh air teaghlaichean

Tha an roinn seo mu dheidhinn na h-ire gu bheil sunnd teaghlaich air a neartachadh agus gu bheil teaghlaichean air an cuideachadh gu bhith làidir agus a' coinneachadh

ris na feumalachdan aca fhèin. Tha e cuideachd a' beachdachadh air misneachd phàrant agus an ire gu bheil cuideachadh is taic nas tràithe a' toirt buaidh adhartach air beatha teaghlaich.

Bha buaidh air teaghlaichean gu h-iomlan math. Fhuair teaghlaichean buannachd bho raon farsaing de thaic àrd-chàileachd, freagairteach, làimhseachail agus tòcail a chuidich iad gus an cuid tapaidheachd àrdachadh agus a bhith a' làimhseachadh doilgheas nas fheàrr. Bha measgachadh de phrògraman pàrantachadh sùbailte gu soirbheachail ag àrdachadh misneachd phàrant. Ach, cha robh sunnd teaghlaich ga neartachadh nuair nach robh luchd-obrach a' togail dhùbhlain cinnteach gu leòr le teaghlaichean gus fior atharrachadh seasmhach a thoirt gu buil. Fhuair boireannaich trom so-leònte buannachd bho tràth-thaic agus àrd-ìrean de thaic san ùine ro-bhreith. Bha càram fosaidh sùbailte is ionchaidh èifeachdach ann a bhith a' toirt faochadh air an robh deagh fheum dha grunn theaghlaichean ach bha beagan theaghlaichean ann aig an robh clann le feumalachdan iom-fhillte nach robh a' faighinn buannachd bho fhosadh cunbalach. Airson beagan theaghlaichean, cha robhas a' toirt cuideachadh aig ire a bha tràth gu leòr nan duilgheadasan agus dh'fhàs na trioblaidean aca nas miosa mus deach taic a thabhan dhaibh.

Dh'àrdaich teaghlaichean an tapachd aca tro bhith a' faighinn taic adhartach agus taic bho ghrunn luchd-obrach. Bha seirbheisean gu tric ag obair còmhla gu math agus bha iad làidir ann a bhith an sàs gu h-èifeachdach le teaghlaichean a bha duilich an làimhseachadh. Chuir mòran de phàrantan luach mhòr ann an deòntachd luchd-obrach a dhol "cho fada 's a b'urrainn dhaibh" gus an cuideachadh agus dh'aithnich iad gu robh iad ag obair na b'fhaide na na h-uairean obrach stèidhichte aca gus taic a thoirt seachad. Bha luchd-obrach a' ruighinn a-mach gu pàrantan, a' togail àrd-ire de dh'earbsa a chuidich pàrantan le bhith a' dèanamh feum de sheirbheisean a' dèanamh atharrachadh comasach. Ach, cha tàinig àrdachadh ann an tapachd a h-uile teaghlaich is ann am misneachd a h-uile pàrant mar thoradh air an taic a bha iad air fhaighinn. Ged a bha seirbheisean gu tric làidir agus ag obair còmhla gu math, cha tug sin ach glè bheag de bhuaidh air na teaghlaichean sin. Bha grunn theaghlaichean air a bhith a' cur an aghaidh no leisg ann a bhith a' dol an sàs nuair a chaidh cuideachadh a thabhan. Cha deach dèligeadh ris an seo an-còmhnaidh tràth gu leòr. Cha robh luchd-obrach an-còmhnaidh air taic èifeachdach a thoirt seachad agus cha robh iad a' toirt dùbhlain làidir gu leòr dha teaghlaichean gus tapachd a thogail agus comasan phàrantan adhartachadh.

Bha boireannaich trom so-leònte agus na teaghlaichean aca air buannachd fhaighinn bho tràth-thaic agus àrd-ìrean de thaic san ùine ro-bhreith mar ullachadh air pàrantachadh. Bha fios air ais bho theaghlaichean adhartach, ag aithris gu robh iad air an cuid eòlais agus na sgilean aca adhartachadh gus coimhead às deidh na paisdean aca.

Bha eisimpleirean ann de thaic àrd-chàileachd, earbsach, freagairteach is tòcail a' cuideachadh theaghlaichean a bhith a' làimhseachadh doilgheas nas fheàrr. Bha grunn de phrògraman pàrantachaich rim faighinn le mòran theaghlaichean. Tro shùbailteachd modh-obrach agus raon farsaing de chuspairean bha e comasach dha teaghlaichean so-leònte a bhith an sàs agus buannachd fhaighinn bhuapa, ag àrdachadh an comas gus a bhith nam pàrantan nas èifeachdaich. Rinn pàrantan

aithris gu robh iad a' faireachdainn nas misneachail mar thoradh air a bhith a' frithealadh nan cursaichean.

Airson beagan theaghlaichean cha robh an taic air an robh feum aca ga thabhall aig ère thràth gu leòr nan duilgheadasan. Mar thoradh air an sin bha an cuid dhuilgheadasan air àrdachadh, ann an cuid de chùisean chun ère 's gu robh feum air gniomh fo phròiseasan dòn cloinne no briseadh ann an rèiteachadh cùraim. Bha gainead fad-ùine de luchd-tadhail slàinte a' cur ri dìth taic is cuideachadh tràth gu leòr air an robh feum aca dha teaghlaichean.

Fhuair teaghlaichean buannachd bho ghrunn bhuidhnean fèin-thaic. Mar eisimpleir chaidh a' bhuidheann Taic Autism a stèidheachadh le pàrantan, an toiseach gus cuir an aghaidh iomallachd. Bha a' bhuidheann air a bhith ag obair gu math le seirbheisean gus taic is cuideachadh sùbailte seamhachd fhaighinn airson gun dèiligeadh iad nas fheàrr le dùblannan nam beatha làitheil. Bha conaltradh soirbheachail co-cheangailte ri siubhal san adhair agus air an aiseag air priomhachas siubhail fhaighinn agus cothrom cleachdaidh seòmar sàmhach dhan chloinn aca. Bha na buidhnean cuideachd air ceanglaichean feumail a stèidheachadh leis a' Ghoireas Ionnsachaидh Leudaichte a bha na fhaochadh do phàrantan agus air an cuid misneachd àrdachadh.

Chaidh goireasan fosaidh iomchaidh is èifeachdach a thabhall dha grunn theaghlaichean. Mar eisimpleir, fhuair clann is daoine òga le eas-òrdughan conaltraidh taic aon-gu-aon bho luchd-obrach a thug iad a-mach gu tachartasan is gniomhachd shòisealta. A bharrachd air deagh fhaochadh feumail a thoirt don teaghlaich fhuair a' chlann tlachd agus dh'ionnsaich iad bhon eòlas agus a' ghniomhachd shòisealta. Tha na clubaichean cloinne ann an Uibhist is Barraigh, a bha an toiseach airson clann a bha fo chùraim, a-nis a' toirt a-steach clann le feumalachdan taic a bharrachd. Bha iad sin soirbheachail ann a bhith a' toirt fosadh dha teaghlaichean gu sònraichte thairis air amannan saor-làithean. Ach bha cuid de theaghlaichean nach robh a' faighinn cothrom air fosadh cunbalach. Bha clann aig na teaghlaichean sin aig an robh feumalachdan a bha sònraichte iom-fhillte agus, ged a bha feum mhòr aca air fosadh, is e glè bheag de chothroman a bh'ann dhaibh air seirbheis iomchaidh. B' e an t-eòlas a bh'aig na teaghlaichean sin gu robh aca ri ère èiginneach a ruighinn mus fhaigheadh iad an cuideachadh air an robh feum aca.

Bha goireasan math ann an Uibhist is Barraigh mar thaic do theaghlaichean aig an robh duilgheadasan le ana-cleachdad stuthan. Bha ceangal feumail eadar a' cho-mpàirteachas ana-cleachdad stuthan ann an Uibhist is Barraigh, buidheann treas roinn, leis a' cho-òrdanaiche ana-cleachdad stuthan taobh a-staigh an NHS. Cha robh liostaichean feitheimh idir ann agus gheibhear taic aon-gu-aon, obair buidhne bhon luchd-obrach agus bha iad gu dlùth ag obair ann an com-pàirteachas le buidhnean nuair a bha clann an sàs. Fhuair teaghlaichean fior bhuanachd bhon taic shònraichte shùbailte ruigsinneach seo.

Fhuair teaghlaichean an dà ghoireas air-loidhne a chaidh a thoirt a-steach 'Dr You' agus 'cool2talk' cuideachail ann a bhith a' faighinn gu fiosrachadh agus comhairle agus aig an aon àm a bhith a' cumail suas diomhaireachd. Ach gu coitcheann bha duilgheadas aig teaghlaichean faighinn a-mach mun t-seòrsa taic a bha ri fhaighinn. Bha iad gu mòr an urra ri bhith a' cluinntinn bho chuid eile agus aig a' cheann thall bhiodh iad a' strì airson ùine, gun chuideachadh, dìreach air sgàth 's nach robh iad

mothachail air na bha ri fhaighinn. Cha robh seirbheisean ann gu sònraichte dha fir. Bha athraichean aig amannan iomallach agus tha e soilleir gu faigheadh iad buannachd bho bhith an sàs nas doimhne ann an co-dhùnaidhean mu phàrantachadh agus an dleastanas a thaobh planaichean chloinne. Cha robh solar idir ann airson eadar-theachd èifeachdach dhan fheadhairinn a bha an sàs ann am mì-ghnàthachaidh dachaigheil.

5. Dè cho math 's a tha compàirtichean ag obair còmhla gus adhartas a thoirt air beatha chloinn, dhaoine òga is theaghlaichean?

A' toirt seachad cuideachadh is taic aig ère thràth

Tha an roinn seo a' beachdachadh air cho math 's a tha luchd-obrach ag aithneachadh gu faodadh rudeigin a bhith a' dol an aghaidh sunnd leanaibh no duine òg, a' roinneadh fiosrachaidh buntainneach agus a' dol an sàs aig ère thràth gus stad a chur air duilgheadasan ag èirigh no a' fàs nas miosa.

Bha an ère gu robh seirbheisean a bha a' toirt seachad cuideachadh agus taic aig ère thràth iomchaidh. Bha a' mhòr-chuid de luchd-obrach ag aithneachadh far an robh clann is teaghlaichean feumach air taic a bharrachd agus bha fòraman feumail ann airson gach buidheann aoise a dh'fhàg gu robh e comasach beachdachadh air feumalachdan is draghan. Tha siostam soilleir agus aontaichte ann airson fiosrachadh a roinneadh a thaobh draghan leis an neach ainmichte agus seirbheisean buntainneach. Aig amannan dh'fhiorsraich luchd-obrach dàil ann a bhith a' faighinn an fiosrachadh a dh'fheumadh iad agus mar as trice 's e dàil goirid a bhiodh an seo agus cha robh droch bhuaidh aige. Ach, b' e fior laigse, gu robh dìth comas am measg luchd-obrach tadhalslainte agus alramas sgoile aig nach robh roghainn sam bith eile ach na goireasan aca a chleachdad airson na teaghlaichean a bhathas den bheachd a bha na bu sho-leònte. Bha seo a' ciallachadh nach robh e comasach dhaibh measaidhean cunbalach eile a dhèanamh a dh'fhaodadh a bhith air feumalachdan eile aithneachadh. Tha seo cudromach oir tha prìomh dhleastanas aig luchd-obrach tadhalslainte a thaobh bacadh is aithne thràth air duilgheadasan ann an clann sna tràth-bhliadhnaichean aca agus tha iad a' toirt fior thaic dha teaghlaichean. Tha iad nan goireas deatamach ann a bhith a' libhrigeadh amas ainmichte gus dèanamh cinnteach gu bheil clann a' faighinn an toiseach-tòiseachaidh as fheàrr nam beatha.

Bhathas a' ceangal sheirbheisean tràth-bhliadhnaichean ri bun-sgoiltean gus barrachd taic a thoirt seachad don luchd-obrach. Bha seo, agus a' cleachdad comharran sunnd Ceartas do gach pàiste, air misneachd luchd-obrach tràth-bhliadhnaichean àrdachadh ann a bhith ag aithneachadh far an robh feum air taic a bharrachd.

Bha na coinneamhan taic sgoilear a chumar ann an Sgoil MhicNeacail gach seachdain agus gach mìos ann an sgoiltean eile nan fòraman feumail gus aithne fhaighinn air feumalachdan taic aig tràth ère. Bha Leasachadh Sgilean Alba ag obair gu h-èifeachdach le sgoiltean gus aithne fhaighinn air daoine òga a bha fo chunnart gun a bhith a' coileanadh san sgoil, agus a' dealbhadh eadar-theachd mus fhàsadhan t-suidheachadh èiginneach. Bha modhan-obrach ceangailte ann air an dealbhadh gus leigeil le co-phroifeasantach slainte coinneachadh ri pàrantan is clann gus aithne fhaighinn air duilgheadasan sam bith aig ère thràth, mar eisimpleir bhiodh iad a' frithealadh chròileagain is sgoiltean-àraich agus bhiodh neach-tadhail slainte a' tadhail air an raon cluiche pàisde. Chaidh measadh ro-sgoile (PRESCAT) a thoirt air ais agus bhathas a' cleachdad seo gus aithne fhaighinn air feumalachdan taic a bharrachd airson gach leanaibh, chan e dìreach clann le ciorraman dearbhte. Bha

luchd-obrach ag aithris gu robh barrachd tuigse aca air dearmad agus a' bhuaidh a bhiodh aig an seo air toraidhean dha clann às deidh trèanadh agus cuairteachadh ionnsachaidd bho lèirmheas cùise sònraichte. Nochd na poileis àrd ìre de dh'fhurachais ann a bhith ag aithneachadh agus ag aithris air cuspairean a dh'fhaodadh droch bhuaidh a thoirt air clann, a' toirt a-steach mì-ghnàthachaidh dachaigh agus ana-cleachdadh deoch làidir.

Bha dìth comas ann an seirbheis tadhail slàinte/altramas sgoile air a bhith na dhuilgheadas fad-ùine. Bha iarrasan aig ìre far nach robh e na b'fhaide comasach dha luchd-tadhail slàinte coinneachadh ri iarrasan airson lèirmheasan leasachaidd 27-mìos a dhèanamh. Bha seo a' ciallachadh gum faodadh iad a bhith a' call chothroman aithne fhaighinn air feumalachdan chloinne is theaghlaichean air nach robh iad fhathast eòlach.

Cha robh ro-innleachd shoilleir air cùlaibh buileachadh Ceartas do gach pàiste. Bha cùisean teann agus mì-chinnteach eadar modh-obrach Ceartas do gach pàiste agus am pròiseas tràth-thaic cinnteach far an robh feum air soilleireachadh. Cha robh luchd-obrach slàinte gu sònraichte a' faireachdainn gu robh na manaidsearan aca taiceil dhaibh nan dreuchd neach ainmichte agus cha robh dòighean fhathast ann airson cinnt sheasmhach a bhith ann an coileanadh.

Bha pròiseas soilleir is aontaichte ann airson a bhith a' roinneadh agus a' measadh dhraghan nam poileis aig ìre ioma-bhuidhneil. Ach, bha luchd-obrach an-còmhnhadh ag aithris gu robh dàil ann a bhith a' faighinn fiosrachadh nuair a dheidheadh draghan a thogail, ged a bhathas ag ràdh gur ann airson ùine ghoirid a bha seo nach do dh'adhbhraig fior dhuilgheadasan mar as trice. Bha na poileis a' cumail sùil air an stòr-dàta mì-ghnàthachaidh dachaigheil is daoine so-leònte gach latha agus a' cur fiosrachadh gu na seirbheisean sòisealta. Bhathas a' roinneadh fiosrachadh gu h-earbsach eadar roinn thubaist is èiginn aig ospadal Steòrnabhaigh agus daoine ainmichte nuair a thigeadh daoine òga a-steach le cùisean dibhe. Gu coitcheann, bha conaltradh eifeachdach eadar an sgioba taic sgoilear, sgioba ionnsachaidd leudaichte agus daoine ainmichte, nam measg daoine ainmichte airson daoine òga nas sine na 16 bliadhna.

Thug luchd-obrach cunntas air cnapan-starra eòlas-inntinn leantainneach a thaobh luchd-obrach foghlaim a' cur fiosrachadh gu na seirbheisean sòisealta no na poileis mu dhraghan a thaobh buaidh nan gnìomhan sin agus iad a' fuireach agus ag obair anns an aon choimhearsnachd bheag. Ach, cha do lorg sinn gu robh seo sònraichte duilich agus bhathas uile den bheachd gur e suidheachadh a bha seo a bha a' fàs nas fheàrr mar a bhathas a' fàs nas misneachail a thaobh freagairtean co-rèireach. Chaidh **SEEMiS**, inneal air a chleachdad le seirbheisean foghlaim airson fiosrachadh a chlàradh mu chlann a thoirt a-steach dìreach o chionn ghoirid, ao-coltach ris a' mhòr-chuid de sgìrean eile ann an Alba, agus bhathas fhathast ri luach an t-siostam a dhearbhadh ann a bhith ag adhartachadh roinneadh-fiosrachaidh agus eadar-theachd dealbhaichte.

Bha fàs air a thighinn ann an solar thràth-bhliadhnaichean airson taic a chumail ri clann agus teaghlaichean, nam measg clann so-leònte aig aois dà bhliadhna agus nas sine. Bhathas air a bhith a' toirt barrachd aire dha taic do chlann ann a bhith a' gluasad bhon sgoil-àraich suas don bhun-sgoil. Bha an luchd-obrach ag obair ann an compàirt gus seirbheisean taic a thoirt seachad do phàrantan is chloinn òga, nam

measg taic beathachadh-broillich; suathadh leanaibh; prògraman pàrantachaidh; agus amannan sgeulachd. Bha a' bhuidheann beathachaidh màthaireil agus pàisde èifeachdach ann a bhith a' toirt taic do theaghlaichean so-leònte aig tràth ire. Bha seirbheisean rim faighinn airson taic a chumail ri clann is daoine òga a' toirt a-steach a' bhuidheann luchd-cùraim òg; seirbheis comhairle òigradh; Ciad Cheumannan (curraicealam eile); agus sgeama tionndaidh dha daoine òga a tha fo chunnart cionta leantainneach. Bhathas a' tabhann **Tràth-thaic Goirid Dibhe** dhan h-uile òganach a bha a' nochdad aig A & E le duilgheadasan co-cheangailte ri deoch làidir. Bha isleachadh air a thighinn ann an duilgheadas cleachdaidh deoch làidir le daoine òga. Bha siostam fiosrachaiddh fosgailte do cho-phroifeasantaich slàinte (AHP) ann an seirbheisean cloinne air cnapan-starra a lughdachadh a thaobh cuideachadh fhaighinn agus a-nis bha adhartas ann an ruigsinneachd air co-sheirbheisean proifeasanta slàinte leithid gluasad-cuirp agus leigheas labhairt is càinann anns na h-eileanan a-deas.

Ged a bha luchd-obrach comasach air fuasglaidhean cruthachail a lorg gus coinneachadh ri feumalachdan fa-leth, gu sònraichte anns na h-eileanan a-deas far nach robh uimhir de ruigsinneachd ann air seirbheisean san fharsaingeachd, bha cothrom air cuid de sheirbheisean gu mòr an urra ri far an robh teaghlaichean a' fuireach. Bha gainead ann an cuid de phriomh sheirbheisean anns na h-eileanan a-deas (mar eisimpleir, seirbheisean dha teaghlaichean fo bhuaidh mì-ghnàthachaidh dachaigheil) agus gu sònraichte na sgìrean dùthchail (mar eisimpleir gainead luchd-cùraim cloinne). Bha glè bheag de roghainnean còmhdailean cuideachd nan cnapan-starra gu bhith a' faighinn cothrom air seirbheisean anns na sgìrean as iomallaiche air feadh nan eilean. Dh'aontaich nas lugha na leth de luchd-freagairt an sgrùdaidh luchd-obrach gu robh ruigsinneachd sheirbheisean do chloinn is dhaoine òga air an cuairteachadh gu co-ionannach, ge bith càite an robh teaghlaichean a' fuireach ann an Eilean Siar. Bha gainead fiosrachaiddh ùraichte ri fhaighinn gu sgiobalta a thaobh nan seirbheisean a bha rim faighinn airson a bhith nan cuideachadh do chloinn is theaghlaichean. Dh'haodadh seirbheisean barrachd a dhèanamh gus dèanamh cinnteach gu robh an luchd-obrach aca eòlach gu leòr gus teaghlaichean a stiùireadh gu stòran taic.

A' measadh agus a' freagairt chunnartan agus fheumalachdan

Tha an roinn seo a' sgrùdadadh càileachd measaidh chunnartan is fheumalachdan co-cheangailte ris na trì teamaichean. Is iad sin a' chiad freagairt nuair a tha draghan gan nochdad mu shàbhailteachd mo shunnd cloinne; cho èifeachdach sa tha ùineadaireachd airson aithne fhaighinn air tachartasan sònraichte ann am beatha leanabh agus càileachd mheasaidhean.

Lorg sinn gu robh càileachd measaidh chunnartan is fheumalachdan math. Nuair a bha draghan ann mu shàbhailteachd chloinne is dhaoine òga, fhreagair luchd-obrach air feadh nan seirbheisean gu sgiobalta agus dh'obraich iad còmhla gu math gus an cumail sàbhailte. Gu h-iomlan, chaidh fiosrachadh a thional agus a roinneadh ann an deagh ùine agus gu h-iomchaidh ach cha robh seo an-còmhnaidh comasach nuair a bha draghan ag èirigh taobh a-muigh amannan na h-oifis. Bha na coinneamhan seachdaineil de Draghan Cloinne a' cur taic ri beachdachadh töiseachaidh ioma-bhuidhneil a thaobh cunnart agus a' cumail sùil air adhartas bho fhirosrachaiddhean roimhe seo. Dh'haodadh gum biodh e feumail nan toirear barrachd aire do bhith ag ath-

sgrùdadh na h-ìre gu robh a' choinneamh seo èifeachdach ann a bhith a' dèanamh cinnteach gu robh draghan gan cuir air adhart gu sgiobalta chun t-seirbheis as iomchaidh gus coinneachadh ri feumalachdan an leanaibh no an duine òg. Bha luchd-obrach ag ullachadh ùineadaireachdan de thachartasan sònraichte ach bha feum air adhartas sa chàileachd aca gus dèanamh cinnteach gu robh iad feumail ann a bhith a' measadh cunnart agus feum. Cha robh trèanadh ioma-bhuidhneil mu ùineadaireachd air a thoirt don h-uile neach-obrach. Bha adhartas a' tighinn ann am misneachd luchd-obrach mu bhith a' measadh cunnart is feum leis gu robh modh-obrach measaidh Ga fhaighinn ceart airson gach leanabh ga dhaingneachadh ann an gnìomh ged a bha seasmhachd ann an cruth mheasadhean fhathast ri choileanadh. Bhathas a' cleachdadhbh raon de mheasadhean eòlach gu math airson adhartas fhirosrachail a thoirt air ìre co-dhùnaidh.

A' chiad fhreagairt air draghan mu shàbhailteachd agus shunnd

Nuair a bha draghan gan nochdadhbh mu shunnd chloinne is dhaoine òga, bha an dòigh anns na fhreagairt an luchd-obrach ri sin mar as trice iomchaidh. Chaidh beachdachadh math a dhèanamh air cunnart nuair a chaidh draghan a thogail ag àm leatromachd. Chaidh deagh aithne a thoirt do so-leòntachd agus mar thoradh air an sin chaidh dealbhadh èifeachdach a dhèanamh orra gus cunnart a lughdachadh. Mar thoradh air an sin, chuidich gnìomhachd sgiobalta le bhith a' cumail clann is daoine òga sàbhailte.

Nuair a bha draghan gan togail mu shunnd chloinne is dhaoine òga, bha an dòigh anns na fhreagairt an luchd-obrach ri sin mar as trice iomchaidh. Chaidh beachdachadh math a dhèanamh air cunnart nuair a chaidh draghan a thogail ag àm leatromachd. Chaidh deagh aithne a thoirt do so-leòntachd agus mar thoradh air an sin chaidh dealbhadh èifeachdach a dhèanamh aig ìre ro-bhreith.

Bha roinneadh fiosrachaiddh gus ciad fhreagairt fiosrachail a bhrosnachadh gu ìre mhòr èifeachdach, ach aig amannan, cha robh seo cho fior taobh a-muigh uairean àbhaisteach. Is ann dìreach nuair a bha an neach-obrach sòisealtra stèidhichte ann an Steòrnabhagh a bha fiosrachadh na h-obrach shòisealtra ùraichte ri fhaighinn. Thug na poileis cunntas seachad gu robh beagan amannan ann nuair nach robh e comasach dhaibh taic na h-obrach shòisealtra fhaighinn taobh a-muigh uairean àbhaisteach.

Nuair a bha draghan ann gu robh feedhainn eile ann an cunnart bho leanabh no duine òg, bha an dòigh anns na làimhsich na seirbheisean an t-suidheachadh gus daoine a dhòn, gu ìre mhòr iomchaidh. Bha gnìomhachd gus taic a thoirt do dhaoine òga a bha fo chunnart cron a dhèanamh orra fhèin sgiobalta agus èifeachdach.

Chaidh draghan mu chlann is dhaoine òga a roinneadh agus chaidh tòiseachadh air cunnartan agus feumalachdan a mheasadhdh aig coinneamhan dragh cloinne

seachdaineil, far an robh luchd-obrach slàinte, poileis agus na h-obrach shòisealta còmhla ag ath-sgrùdadadh gach fios, ag aontachadh ghnìomhan agus ag ath-sgrùdadadh adhartas. Bha e comasach tron phròiseas seo fios a chuir gu daoine ainmichte a thaobh draghan mus deach a' choinneamh air adhart, ged, mar a chaidh a mhìneachadh san roinn mu dheireadh, bha beagan dàil ann aig amannan a thaobh luchd-obrach a bhith a' faighinn fiosrachadh. Chaidh an àireamh de chom-pàirtichean coinneimh a lughdachadh airson èifeachdas àrdachadh agus diomhaireachd a ghleidheadh ach mar thoradh air an seo bha lughdachadh anns na fiosan a fhuarar airson taic do chloinn is theaghlaichean, mar eisimpleir gu com-pàrtichean na roinne saor-thoileach. Bhiodh e na chuideachadh dha manaidsearan ath-sgrùdadadh a dhèanamh air an taobh seo de phròiseas dragh cloinne gus dèanamh cinnteach gu bheil clann is teaghlaichean a' faighinn a h-uile cuideachadh a dh'fheumas iad aig tràth ìre.

Càileachd is cleachdadadh ùineadaireachdan

Ach a-mhàin a thaobh dà chùis a chaidh ath-sgrùdadadh, bha ùineadaireachd de thachartasan sònraichte air a chlàradh airson a h-uile leanabh is duine òg, ach a thaobh dà thrian den fheadhainn sin mheas sinn iad gun a bhith iomchaidh airson an cleachdadadh. Thug sinn aire gu robh gainead mion-fhiosrachaidh ann an cuid dhiubh ach bha cuid eile anns an robh cus fiosrachaidh. Thug laigsean eile a-steach: barrachd air aon ùineadareachd airson leanabh no duine òg air a chlàradh, le fiosrachadh eadar-dhealaichte anns gach cuid; beàrnan fada eadar fiosrachadh; agus ùineadaireachdan nach robh ùraichte. Ann am beagan ùineadaireachdan bha fiosrachadh cudromach a dhìth leithid bàs pàrant no ainm an leanaibh a bhith air a thoirt a-mach à clàr dòn na cloinne.

Bha ùidh aig manaidsearan cleachdadadh luchd-obrach adhartachadh ann a bhith a' leasachadh, a' cumail suas agus a' cleachdadadh ùineadaireachdan de thachartasan sònraichte gus tuigse fhaighinn air pátrain cunnart no tional de eòlasan a bha a' toirt buaidh air sunnd chloinne agus dhaoine òga. Chaidh stiùireadh cuideachail air ùineadaireachdan a leasachadh o chionn ghoirid ach bha sin fhathast gun a dhol troimhe gu luchd-obrach. Bha e soilleir gu robh barrachd is barrachd mothachaidh am measg luchd-obrach mu cho cudromach is cho feumail sa bha ùineadaireachdan ach bha cus den luchd-obrach a bha a' deasachadh ùineadaireachdan fhathast gun trèanadh ioma-bhuidhneil fhaighinn. Mar thoradh air an sin, cha robh mòran de luchd-obrach a' faighinn taic gu leòr gus na sgilean deatamach a leasachadh airson a bhith a' leasachadh ùineadaireachdan iomchaidh gus taic a thoirt do mheasadh cunnart is feum.

Càileachd mheasaidhean

Leis gu robh modh-obrach Ceartas a' fàs gu bhith nas daingnchte ann an cleachdadadh, bha misneachd an luchd-obrach ann a bhith a' measadh chunnartan is fheumalachdan a' fàs gu slaodach. Chaidh frèam-obrach measaidh is dealbhaidh ùr a thoirt a-steach gus cleachdadadh a rèiteachadh agus seasmhachd a thoirt a-steach do mheasadh cunnart is feum. Bha luchd-obrach gu math adhartach a thaobh an frèam-obrach ùr agus smaoinich iad gum brosnaicheadh seo an ceann ùine inbhe measaidh nas fheàrr agus nas seasmhaich. Lorg iad gu robh liosta de na comharran sunnd gu sònraichte feumail mar ghoireas sùla ri chleachdadadh airson measaidh. Ach, bhathas fhathast a' cleachdadadh seann dhreachan de phàipearan

measaidh agus bha seo ag adhbhachadh mì-chinnt. Cha robh a h-uile neach-obrach soilleir mu am bu chòir an fhrèam-obrach ùr a chleachdad a-nis gach uair no an robhas gu bhith ga thoirt a-steach gu foirmeil aig àm eile ri teachd.

Bha a' mhòr-chuid de na measaidhean cunnart a chaidh ath-sgrùdad tron sgrùdad aig ère a bha ceart gu leòr agus bha cuid aig ère na b' àirde na sin, a' faighinn measadh a bha math no glè mhath. Bha measaidhean air feumalachdan co-chosmhail, le càileachd a bha eadhon nas fheàrr. Bha cha mhòr a h-uile measadh air feumalachdan ag ère iomchaidh agus chaidh a' mhòr-chuid dhiubh a mheasadh mar math mo glè mhath.

Chaidh a' bhuidheann treas roinn Gníomh airson na Cloinne a choimiseanadh gus raon de sheirbheisean a sholarachadh a chleachd gu cuideachail pasgan de chruthan measaidh eòlach gus measadh a dhèanamh agus taic a thoirt do dhaoine òga. Thug seo a-steach Tràth-thaic Goirid Deoch Làidir pearsanta dha daoine òga a bha ag ana-cleachdad deoch làidir agus an inneal ASSIST gus ana-cleachdad stuthan a mheasadh agus mothachadh àrdachadh air a' bhuaidh agus na cunnartan a tha ana-cleachdad stuthan air an duine òg agus air an lònra aca san fharsaingeachd.

A' dealbhadh airson cloinn is daoine òga fa-leth

Tha an roinn seo a' beachdachadh air càileachd phlanaichean cloinne agus èifeachdas an rèiteachaidh airson an ath-sgrùdad.

Bha dealbhadh airson clann is daoine òga fa-leth math. Bha plana ann airson a' mhòr-chuid de chloinn is dhaoine òga air an robh feum air gus luchd-obrach a stiùireadh ann a bhith a' riaghlaigh chunnart no a' coinneachadh ris na feumalachdan aca. Bha planaichean air an ceangal gu math ri measaidhean agus chleachd iad na cuimsean nàiseanta gus aithne fhaighinn air gnìomhan gus amasan sònraighe a ruighinn. Chomharraich a' mhòr-chuid de phlanaichean toraidhean ri bhualeachadh airson an leanaibh no an duine òg. Ach, bha feum air adhartas ann an dealbhadh gus coinneachadh ris na feumalachdan slàinte aig clann agus daoine òga a tha fo chùram. Bha dìth comas taobh a-staigh sheirbheisean slàinte a' ciallachadh gu robh dealbhadh gu tric ath-ghniomhach agus mura robh duilgheadasan slàinte èiginneach ann, cha robhas a' dearcnachadh feumalachdan slàinte chloinne agus dhaoine òga a bha fo chùraim. Bha luchd-obrach ag obair gu math còmhla gus a bhith a' dealbhadh airson agus a' coinneachadh ri feumalachdan chloinne is dhaoine òga. Bha rèiteachadh iomchaidh suidhichte airson adhartas ath-sgrùdad, co-dhealbhadh a dhèanamh agus a thighinn gu co-dhùnaidhean. Bha oifigear às aonais uallach cùise a-nis na chathraiche air ath-sgrùdaidhean fo chùraim agus thug seo neo-eisimeileachd feumail agus sgrùdad cleachdaidh cothromach a-steach. Bha barrachd chloinn is dhaoine òga a' faighinn taic shoirbheachail taobh a-staigh nan coimhearsnachdan aca fhèin anns na h-eileanan. Tro fòcas nas mothach air dealbhadh maireannach bha cothrom ann comas a thoirt dha barrachd chloinn gluasad gu àrainneachd nas tèarainte agus nas seasmhaich mar thoradh air co-dhùnaidhean nas tràithe gan dèanamh.

Càileachd phlanaichean fa-leth airson clann is daoine òga

Bha plana ann airson a' mhòr-chuid de chloinn is dhaoine òga air an robh feum air gus luchd-obrach a stiùireadh ann a bhith a' riaghlaigh chunnart no a' coinneachadh ris na feumalachdan aca. Bha am frèam-obrach measaidh is dealbhaidh ùr, air an deach iomradh a thoirt san roinn roimhe seo, a' ceangal a' mheasaidh gu math ri plana an leanaibh a' cleachdadadh na cuimean sunnd. Bha na planaichean a chaidh ath-sgrùdadadh mar phàirt den sgrùdaidh aig ìre càileachd a bha ceart gu leòr. Bha planaichean riaghlaidh cunnart a' dèiligeadh gu h-ionchaidh ris na gnìomhan a bha deatamach airson nan cunnartan a chaidh aithneachadh isleachadh.

Bha fior dheagh eisimpleirean ann de phlanaichean cloinne a bha mionaideach, le deagh structar agus ceangailte ri cuimsean sunnd. Bha iad sin soilleir mu cò air a bha uallach airson an raon de ghniomhan clàraichte sònrachte. Anns a' mhòr-chuid de phlanaichean bha cunntas air na toraidhean a bha ri bhuileachadh airson an leanaibh no an duine òg. Cha robh ach cairteal de na planaichean a chaidh ath-sgrùdadadh a bhathas a' faireachdайн a bha SMART (sònraichte, comasach an tomhas, comasach am buileachadh, cothromach agus ùineil). Tha e deatamach gun dèanar cinnteach gu bheil plana SMART ann gus am bi e comasach sùil a chumail air adhartas agus dèanamh cinnteach gu bheil eadar-theachd èifeachdach.

Bha adhartas air a thiginn ann an cleachdadadh luchd-obrach airson planaichean a leasachadh mar thoradh air riaghlaigh na b' fheàrr tro bhith a' fastadh dà stiùiriche sgioba. Bha e annasach a-nis gun cuirear fiosan gu neach-aithris na cloinne às aonais plana a bhith cuideachd na chois. Bha planaichean a-nis rim faighinn nas bitheanta gus fiosrachadh a thoirt do dh'èisteachdan. Bha luchd-obrach air leth comasach air na builean a bha iad airson a bhuileachadh do chloinn is dhaoine òga tro phlanaichean cloinne, a mhìneachadh. Bha iad nas misneachail ann a bhith a' cruthachadh agus a' coileanadh co-phlanaichean do chloinn is dhaoine òga.

Càileachd agus èifeachdas dealbhaidh is ath-sgrùdaidh

Bhathas a' cleachdadadh a' phròiseas tràth-thaic ìre às deidh ìre gu math gus planadh airson feumalachdan chloinne is dhaoine òga. Tron phròiseas seo bha e comasach diofar ìrean de thaic fhaighinn bho aon bhuidheann gu taic fharsaing ioma-buidhneil. Mar phàirt den seo, bha coinneamhan seachdain taic sgoilear ioma-bhuidhneil èifeachdach ann a bhith a' cumail sùil air adhartas chloinne is dhaoine òga agus a' dèanamh ath-sgrùdadadh air na feumalachdan aca. Bha fhathast aca ri bhith a' ceangal a' phròiseas seo gu h-iomlan ri pròiseasan Ceartas do gach pàiste.

Bha a' bhanaltraim sgoile na pàirt de na coinneamhan taic sgoilear seo agus le sin bha e comasach sùil a chumail air feumalachdan slàinte chloinn òg àrd-sgoile a bha fo chàram. Ach cha robh dealbhadh gus coinneachadh ri feumalachdan slàinte chloinn is dhaoine òga a bha fo chàram làdir no seasmhach gu leòr. Cha robh proifeasantach slàinte sònraichte air a chomharrachadh airson seo agus an àite sin bha e na uallach a bharrachd air an luchd-obrach tadhail-slàinte no altramais sgoile. Mar thoradh air an sin bha dealbhadh gu tric aig ìre ath-bhualaidh agus mura robhas ga cheangal ri duilgheadasan slàinte èiginneach cha robhas a' cumail sùil air feumalachdan slàinte chloinn is dhaoine òga a bha fo chàram gu dòigheil bho àm gu àm. Bha e na laigse chudromach nach robh siostam ann airson dealbhadh gus

coinneachadh ri feumalachdan slàinte chloinn is dhaoine òga a bha fo chòraim san dachaigh.

Bha luchd-obrach ag obair gu math còmhla airson dealbhadh agus coinneachadh ri feumalachdan chloinn is dhaoine òga. Bhathas air coinneamhan sgioba measaidh coimhearsnachd ro-sgoile (PRESCAT), air an deach aithris roimhe seo, ath-thòiseachadh ann an sgoiltean-araich. Rinn co-labhairtean cùise agus ath-sgrùdaidhean cinnteach gu robhas an-còmhnaidh ag ath-sgrùdadadh chunnartan agus fheumalachdan chloinn is dhaoine òga a bha feumach air an dòn. Bhathas a' cumail sùil air suidheachadh is adhartas chloinn is dhaoine òga a bha fo chòraim air falbh bhon dachaigh aig coinneamhan ath-sgrùdaidh cunbalach. Anns a' chathair a-nis aig na coinneamhan sin bha oifigear air nach robh uallach mun chùis agus bha sin a' toirt a-steach sealladh nas neo-eisimeilich agus a' toirt seachad sgrùdadadh nas neo-eisimeilich air cleachdad.

Bha dealbhadh airson a bhith a' gluasad chloinn is dhaoine òga bho aon ìre gu ìre eile ag obair gu math. Mar eisimpleir bha imeachdan air an riaghladh gu math eadar càram cloinne fo aois 3 agus sgoiltean-àraich agus air adhart gu foghlam bun-sgoile agus an uairsin àrd-sgoile. Gu cudromach, bha clann is daoine òga a bha roimhe sin air a' Chlàr Dòn Chloinne a-nis a' faighinn taic na h-obrach shòisealta agus iad ag imeachd a dh'ionnsaigh taic nach robh cho teann.

A' dearbhadh àrainneachdan tèranta agus càramach

Bha barrachd chloinn is dhaoine òga a' faighinn taic anns na coimhearsnachdan aca fhèin anns na h-eileanan. Bha dealbhadh èifeachdach ann a bhith a' faighinn àrainneachdan càramach is seasmhach do chloinn is dhaoine òga anns a' mhòr-chuid de na clàran air na rinn sinn ath-sgrùdadadh. Nuair nach robh e comasach dhaibh fuireach san dachaigh, mar as trice bha taicean iomchaidh ann airson an cuideachadh. Thug seo a-steach ionadan dàimh is daltachd. Bha buaidh mhath aig na h-ionadan sin ann a bhith a' toirt seachad àrainneachd sheasmhach is àraich dha daoine òga.

Lorg na sgrùdaidhean as ùire, a chaidh an crìochnachadh sa Mhàrt 2015, airson gach cuid na seirbheisean daltachd is uchd-mhacachd gu robh càileachd càram is taic ag ìre mhath. Bhathas a' dealbhadh airson tuilleadh leasachadh air sgeama daltachd stèidhichte air tuarastal a bu chòir leigeil le clann aig an robh feumalachdan nas dùblannaich a bhith a' faighinn càram ann an suidheachadh teaghlaich sa choimhearsnachd aca fhèin. An-dràsta chan eil ann ach aon sheata de luchd-càram stèidhichte air tuarastal. Bha feum air barrachd luchd-càram daltachd gus dèanamh cinnteach gu bheil ionadan iomchaidh ann gus coinneachadh ri na feumalachdan sònraichte a tha aig gach leanabh is duine òg a dh'fheumas càram de sheòrsa eile. Bha gainead luchd-càram ag adhbhrachadh gu feum clann is daoine òg càram fhaighinn ann an ionadan air tìr-mòr. Chuir ioma atharrachadh de neach-obrach shòisealta agus beàrnan san obair-shòisealta bacadh air an taic a chaidh a thoirt do luchd-càram daltachd. Thug seo buaidh cuideachd air comas na seirbheis air barrachd luchd-càram fhastadh.

Lorg na sgrùdaidhean as ùire air seirbheisean uchd-mhacachd is daltachd a rinnear sa Mhàrt 2015 gu robh feum air adhartas anns na h-ùinean airson dealbhadh maireannach. Bhathas air oidhirpean a dhèanamh airson adhartas fhaighinn san

ùine a bha e a' toirt gus ionadan maireannach fad-ùine fhaighinn. Lorg lèirmheas taobh a-staigh o chionn ghoirid gu robhas a' dèanamh cho-dhùnaidhean aig ìre nas tràithe de bhith a' faighinn dachaigh dha leanabh agus aig aois nas òige, a bha ga fhàgail nas dualtaich gum faighear maireannachd taobh a-staigh ùine nas iomchaidh. A-mach à deich cùisean a leugh sinn mar phàirt den sgrùdaidh, bha ceathrar chloinne à trì teaghlaichean a' fiosrachadh dàil. Lorg sgrùdaidhean roimhe seo gu robh mòran dàil ann le bhith a' faighinn maireannachd dha clann agus, a dh'aïndeoin adhartasan o chionn ghoirid tha an dileab seo fhathast na fhìor dhùbhlan. Ged a bha adhartasan soilleir ann a thaobh a bhith a' tighinn gu co-dhùnaidhean mu mhaireannachd, bha manaidsearan mothachail gu robh dùblannan ann fhathast mu bhith a' toirt na planaichean sin air adhart gu sgiobalta tron phròiseas laghail.

A' dealbhadh agus ag adhartachadh sheirbheisean

Tha an roinn seo a' beachdachadh air cruas dealbhaidh sheirbheisean cloinne amalaichte agus dealbhaidh ro-innleachdail agus na h-ìre gun urrainnear a nochdadhbhairson taic a thoirt do adhartas ann an sunnd chloinne is dhaoine òga. Tha e a' toirt a-steach fòcas air cho math sa tha com-pàirtichean ag aithneachadh agus a' riaghladh chunnartan do bhuidhnean so-leònte chloinne is dhaoine òga.

Bha co-dhealbhadh airson seirbheisean adhartachadh lag. Bha dreachd de Phlana Sheirbheisean Cloinne Amalaichte aig ìre adhartach ach bha am plana roimhe sin air a thighinn gu crìch ann an 2013, a' fàgail beàrn shònraichte far nach robh plana ann airson stiùireadh is taic a thoirt do cho-obrachadh airson builean adhartachadh do chloinn is dhaoine òga. Bha am plana ùr gu sònraichte air a cheangal ris a' Chòrdadh Singilte Bhuilean, gu làidir ri taobh nam prìomh phròiseasan gus taic a thoirt do bhuileachadh, agus gus sùil a chumail air an adhartas aige. Ach, cha robh e stèidhichte air co-mheasadh ro-innleachdail de fheumalachdan a leigeadh le com-pàrtichean dèanamh cinnteach gu robh an cothromachadh ceart de sheirbheisean coitcheann, targaidte agus sàr-eòlaich ann gus coinneachadh ris na feumalachdan gnàthach agus a tha ag èirigh aig clann is daoine òga ann an Eilean Siar. Bha an cathraiche ùr neo-eisimeileach gu soirbheachail air cunntachalachd Comataidh Dìon Chloinne Innse Gall àrdachadh. Bho chaidh a chuir san dreuchd bha eadar-dhealachadh aithnichte air a thighinn, a' toirt seachad dùbhlannan neo-eisimeileach agus le comas a' chomataidh a neartachadh. Bha aig a' chomataidh fhathast ri ceumannan brìgheil aithneachadh mu cho math sa bha iad a' dìon chloinne is dhaoine òga. Cha robh aithisg bhliadhnaill air nochdadhbhairson 2013, a' fàgail beàrn fiosrachaidh a dh'fhaodadh a bhith na bhreithneachadh air buaidh na comataidh air a bhith a' cumail clann is daoine òga sàbhailte. Cha robh siostam aontaichte suidhichte airson cunnartan a bha a' nochdadhbhairson no a dh'fhaodadh nochdadhbhairson sàbhailteachd is sunnd chloinne is dhaoine òga aithneachadh agus gus ro-innleachdan roinnt a leasachadh airson deiligeadh riutha. Mar thoradh air an sin, cha robh e comasach dha àrd-oifigearan a bhith cinnteach annta fhèin gu robh a' chomataidh a' dèanamh gach nì a bha deatamach gus cron isleachadh.

Dealbhadh sheirbheisean cloinne amalaichte

Bha oidhirpean gan dèanamh o chionn ghoirid airson adhartas fhaighinn ann an dealbhadh sheirbheisean cloinne amalaichte ach bha seo ag èirigh bho bhunait iosal. Cha robh Plana Sheirbheisean Cloinne Amalaichte suidhichte anns na h-Eileanan an lar bho 2013 nuair a thàinig am plana mu dheireadh gu crìch. Bha compàrtichean air aithneachadh gu robh feum aca air cuideachadh le bhith a' leasachadh a' phlana ùr aca agus bha iad a-nis a' faighinn làn thaic san obair seo le comhairliche neo-eismeileach a bha air a' phròiseas dùblannach de leasachadh plana ùr àrdachadh. Bha an dreachd phlana, a bha aig ìre adhartach, gu sònraichte ceangailte ris a' Chòrdadh Singilte Bhuilean agus thug e a-steach cuid de dh'fhiorsachadh feumail mu na h-adhartasan a chaidh a choileanadh mar thoradh air a' phlana roimhe sin. Bha am plana ùr gu làidir a' seasamh le pròiseasan eile a bhos ga dhèanamh nas phasa a choileanadh agus sùil a chumail air an adhartas aige. Chaidh doighean cunnatachail soilleir aontachadh le Com-pàirteachadh Dealbhadh Coimhairsnachd Innse Gall (OHCPP) a bhos a' cumail sùil air a' Phlana Sheirbheisean Cloinne Amalaichte ùr. Bha ceanglaichean soilleir is feumail eadar a' Chom-pàirteachadh Dealbhaidh Chloinne is Dhaoine Òga, air an robh uallach a bhith a' leasachadh agus a' cumail sùil air plana sheirbheisean cloinne amalaichte, Comataidh Dìon na Cloinne, Buidheann nan Àrd-oifigearan airson dion poblach is Comataidh Dìon Chloinne Innse Gall. Is e rud adhartach a bh'ann gu robh a h-uile priomhachas anns a' Chòrdadh Singilte Bhuilean air gnìomhan aithneachadh a bha ceangalte gu sònraichte ri clann is daoine òga, a' mhòr-chuid a bha a' feumachdainn com-pàirteachas obrach airson soirbheachas a bhuleachadh.

Cha robh targaidean san dreachd phlana SMART gu leòr agus chan eil e idir soilleir ciamar a bhos am plana a' brosnachadh co-ionannachd is in-ghabhail. Bhathas gu bhith a' cleachdad an dreachd phlana mar phàipear obrach gus conaltradh a dhèanamh le clann, daoine òga, teaghlaichean, luchd-obrach agus luchd-dèiligidh eile. Feumar tàrr obair a dheanamh gu sgiobalta gus dèanamh cinnteach gu bheil luchd-dèiligidh gu tur an sàs ann a bhith a' cur crìoch air a' phlana agus ga thoirt gu buil.

Bha fior ath-dhealbhadh seirbheis air gabhail àite a bha gu soilleir stèidhichte air feumalachdan a chaidh aithneachadh gu ro-innleachdail. Bha amasan priomhachais a bha a' leantainn gu adhartas seirbheis. Bha na leanas gu sònraichte fior:

- Oidhrip shònachte a rinnear gus daoine òg a bha fo chùraim a thoirt air ais gu na h-Eileanan an lar. Cha robh builean dha daoine òga a bha fo chùraim ann an ionadan air tìr-mòr an-còmhnaidh math. Bha ro-innleachd farsaing a-nis suidhichte gus tapachd a thogail ann an seirbheisean a leigeadh le daoine òga a bhith gu soirbheachail a' faighinn càrach anns a' choimhairsnachd aca fhèin.
- Freagairt do dhìth-dachaigh òigridh tro bhith ag àrdachadh raon de roghainnean àite-fuirich iomchaidh. Bha planaichean ann airson àiteachan-fuirich do dhaoine gun dachaigh atharrachadh gu bhith cleachte mar thaigheadas taic dha daoine òga air an robh deagh fheum.
- A' leudachadh na h-àireamh de luchd-obrach le Gàidhlig a bha ag obair le clann ag ìre thràth-bhliadhnaichean a bhathas a' faicinn mar rud deatamach

ann a bhith a' toirt air adhart an ro-innleachd gus a' Ghàidhlig a dhaingneachadh taobh a-staigh coimhearsnachd na cloinne.

- Beachdachadh air sgrùdadh den mhargaidh obrach ionadail a nochd gu robh cothroman ann airson daoine òga ullachadh gus beàrnan sgilean ionadail a lìonadh. Bha an iarratas airson seirbheisean Cùram Slàinte is Sòisealta a' fàs leis gu robh an àireamh-sluaigh a' fàs aosda. Bhathas a' misneachadh dhaoine òga a bhith a' beachdachadh air cùram slàinte is sòisealta mar chùrsa-beatha agus chaidh taic a thoirt dhaibh tro churraicealam na sgoile gus teisteanasan dreuchdail fhaighinn.
- Na priomhachasan gnàthach aig a' Cho-obrachadh Tràth-ìrean 's iad sin a bhith a' lughdachadh reamhrachd, ag adhartachadh thoraidhean labhairt is càinain, ag aithneachadh dhraghan cloinne aig an ìre as tràithe agus a' lughdachadh bochdain cloinne. Bha iad sin steidhichte air dàta a bha a' sealltainn raointean a bha feumach air leasachadh agus tro bheàrnan a chaidh aithneachadh bho mhapadh deuchainnean atharrachaidh gnàthach.

Ach a dh'aindeoin sin, ged a bha iad sin nan fhreagairtean cudromach airson feumalachdan a bha a' nochdad le bhith ag ath-leasachadh agus ag ath-dhealbhadh sheirbheisean, cha robhas gan dèanamh ann an dòigh brìgheil no co-obrachail. Cha robh an dreachd phlana sheirbheisean amalaichte cloinne air fhiosrachadh le fior mheasadh cruidh air feumalachdan. Bha com-pàirtichean gu dian mothachail gu robh feum aca air adhartas a dhèanamh ann a bhith a' tional agus a' cleachdadh dàta. Ged a bhathas a' tional tòrr dàta iomchaidh, cha robh sin air a chleachdad an-còmhnaidh anns an dòigh a bu bhrìgheil no bu chuideachail. Nam biodh com-pàirtichean a' dealbhadh agus a' coileanadh atharrachadh seirbheis mar fhreagairt air feum tro ro-innleachd ceangailte, dh'fhaodadh sin a bhith a' tabhann seasmhachd nas fheàrr. Le dìreach beagan comas riaghlaidh is stiùiridh ann an sgire bheag, dh'fhaodadh ro-innleachd amalaichte stèidhichte air deagh mheasadh air feumalachdan a bhith na b'èifeachdaich ann a bhith a' biathadh a-steach do dhealbhadh seirbheis nas fhaide ùine.

A' coileanadh modh-obrach Ceartas do gach pàiste

Bha atharrachaidhean structarail thairis air an dà bhliadhna mu dheireadh air adhartas a shlaodachadh ann a bhith a' coileanadh Ceartas do gach pàiste. Bha luchd-obrach is manaidsearan air cunntas a thoirt air a' mhodal mu dheireadh de lonnsachadh Coimhearsnachdan mar charbaid mhath airson a bhith a' putadh air adhart Ceartas leis gu robh a h-uile seirbheis an sàs. Le bhith a' call a' mhodal seo bha sin a' ciallachadh gu robh feum air structaran ùra a chruthachadh gus dèanamh cinnteach gum biodh coileanadh leantainneach air modh-obrach Ceartas.

Ach, chaidh cuideam mòr air agus gealladh mu mhodh-obrach Ceartas a nochdad anns an dreachd phlana sheirbheisean amalaichte cloinne. Bhathas air buidheann-obrach geàrr-ùine a stèidheachadh o chionn ghoirid gus làn-chùraim agus thar-chùraim a leasachadh a rèir an reachdas ùr. Bha àrd mhanaidsearan aig gach cuid an NHS agus a' Chomhairle aig an robh priomh uallach airson Ceartas a choileanadh agus dèanamh cinnteach gu robh na seirbheisean aca gu tur a rèir Achd na Cloinne is Dhaoine Òga (Alba) 2014, mar a thathas ga chuir an gnìomh.

Bha modh-obrach Ceartas gu soilleir air tuigse agus cànan roinnte a thoirt do luchd-obrach thairis air seirbheisean is chuspairean a bha gan cuideachadh le bhith ag obair gu math còmhla bho latha gu latha.

Ach bha dìth comas ann an tadhal slàinte na laigse shònraichte, mar a chaidh a mhìneachadh na bu thràithe san aithisg. Bha seo a' ciallachadh nach b'urrainn dha luchd-tadhail slàinte ach prìomhachas a thoirt don chloinn so-leònte a bha nas aithnichte agus bha seo a' cuingealachadh an cuid comais a bhith an sàs le teaghlaichean aig an ìre as tràithe a tha comasach. Mar thoradh air an sin, cha robh an t-seirbheis slàinte fhathast comasach air na dleastanasan aca a choileanadh gu h-iomlan mar sheirbheis neach ainmichte. Bhathas air aithneachadh gu robh feum air co-thrèanadh neach ainmichte dha luchd-tadhail slàinte is ceannardan sgoile agus bhathas fhathast ri seo a shuidheachadh. Bha luchd-obrach thar sheirbheisean air trèanadh mothachaidd fhaighinn bho 2012 ann an Ceartas do gach pàiste ach tha fios againn bho na freagairtean don sgrùdaidh luchd-obrach againn agus le bhith a' bruidhinn ri luchd-obrach tron sgrùdadadh gun cuireadh mòran dhiubh fàilte air tuilleadh chothroman trèanaidh ioma-bhuidhneil air Ceartas do gach pàiste leis gu robh beagan ùine air a dhol seachad bho fhuair mòran dhiubh an trèanadh agus bha atharrachaidhean cleachdaidh sònraichte air a thighean a-steach bhon uairsin.

Dealbhadh gnothachais Comataidh Dìon Chloinne

Le bhith a' toirt a-steach cathraiche neo-eisimeileach a bha a' toirt cunntas don bhuidheann àrd oifigearan bha seo air cunntachalachd a' Chomataidh Dìon Chloinne àrdachadh gu soirbheachail. Bha an cathraiche neo-eisimeileach air fior atharrachadh a dhèanamh, chan ann dìreach mar thoradh air dùbhlann neo-eisimeileach ach cuideachd leis gu robh barrachd comas aige airson a' chomataidh a neartachadh.

Bha a' chomataidh gu cunbalach a' cruinneachadh agus ag aithris air raon de dh'fhiorsachadh doimhneachd agus bitheantais. Thug seo a-steach fiosan dìon chloinne, clàraighean agus co-labhairtean cùise. Cha robh e cho misneachail mun dàta dèanadas a dh'fheumadh e gus a bhith a' fiosrachadh phriomhachasan san àm ri teachd ach bha e aig ìre thràth ann a bhith ag ath-sgrùdadadh phàtrain a bha a' nochdadh bho na foirmean draghan cloinne, mar eisimpleir. Mar a chaidh iomradh a thoirt na bu thràithe, agus mar a tha mòran sgìrean ann an Alba, cha robh a' chomataidh dìon chloinne fhathast air ceumannan brigheil aithneachadh mu cho math sa bha iad a' dìon chloinn is dhaoine òga ann an Eilean Siar. Bha dùbhlann a bharrachd ann an Eilean Siar leis nach robh an dàta an-còmhnaidh brigheil, mar thoradh air na h-àireamhan beaga a bh'ann.

Bha obair gnàthach gus na diofar phròiseasan dealbhaidd a cheangal nas fheàrr a' gealltann dealbhadh dìon chloinne a neartachadh ann an ùine glè ghoirid. Bha a' phlana gniomh ioma-bhuidhneil a bha ann an-dràsta air ath-sgrùdadadh gu h-ionchaidh agus air atharrachadh gus dèanamh cinnteach gu robh e a rèir an dreachd phlana sheirbheisean amalaichte. Bha an Cathraiche a' moladh gun gabhadh a' chomataidh uallach airson cuid de na gniomhan sa phlana agus le seo mar bhunait air plana gniomh àrd-ìre na comataidh fhèin. Cha robh aithisg bhliadhnaidh o chionn ghoirid ri fhaighinn bhon Chomataidh Dìon Chloinne.

Ag aithneachadh agus a' freagairt chunnartan a bha a' nochdadh

Bha an OHCPC a' nochdadach mothachadh de chunnart ag èirigh a chaidh aithneachadh bho chùisean fa-leth, phròiseasan dion chloinne no fiosrachadh gu robh cuspairean sònraichte nan cunnart do chloinn is dhaoine òga. B' e eisimpleir o chionn ghoirid gu robh dragh ann mu àrd-bhuadhan laghail. Ach cha robh siostam aontaichte ann gus aithne fhaighinn air cunnartan a bha a' nochdadach no a dh'fhaodadh nochdadach a thaobh sàbhailteachd is sunnd chloinn is dhaoine òga. Mar thoradh air an sin cha robh e comasach dhaibh dearbhadh a thoirt dhaibh fhèin gu robh iad a' dèanamh gach gnìomh a bha deatamach gus cron a lughdachadh.

Brathadh feise cloinne

Bha Comataidh Dìon Chloinne air aire mhath a thoirt don chunnart a bha a' fàs a thaobh brathadh feise cloinne gach cuid gu h-ionadail agus air feadh na RA. Bhathas air togail mothachaидh farsaing a thoirt don luchd-obrach, do phàrantan, luchd-cùraim agus do dhaoine òga air stèidh leantainneach. Bha trèanadh eadar-lìn sònraichte air a thoirt do luchd-cùraim daltachd. Bha beagan eisimpleirean de bhrathadh feise cloinne air a thighinn am bàrr a thaobh clann bho Eilean Siar thairis air na còig bliadhna a dh'halbh far an robh càisean lagha soirbheachail air a dhol air adhart mar thoradh air tràth-thaic. Bha seo air a bhith gu ìre mhòr a' toirt a-steach clann is daoine òga a bha fo chùraim. Gu sònraichte, bha a-nis plana suidhichte airson ath-sgrùdadach a dhèanamh air daoine òga gu lèir a bha fo chùraim air falbh bhon taigh no a bha gun dachaigh airson an so-leòntachd aca mu bhrathadh a mheasadh. Thèid aire shònraichte a thoirt do na daoine òga sin ann an ionadan air tìr-mòr leis gu bheil iad ann an cunnart nas motha air sgàth gu bheil iad cho fada bhon dachaigh. Bhathas air buidheann obrach geàrr-ùine a stèidheachadh fo stiùir nam poileis gus plana gnìomh brathadh feise cloinne a leasachadh. Gu h-iomchaidh bidh daoine òga a' cur ris an seo tro cho-obrachadh eadar luchd-obrach sgoile ann an Sgoil MhicNeacail agus a' Chomataidh Dìon Chloinne.

Com-pàirteachadh cloinne, daoine òga, teaghlaichean agus luchd-dèiligidh eile

Tha an roinn seo a' sgrùdadach na h-ìre gu bheil clann, daoine òga, teaghlaichean agus luchd-dèiligidh eile an sàs ann am poileasaidh, dealbhadh agus leasachadh seirbheis.

Bha an ìre de chom-pàirteachaidh de chloinn, dhaoine òga, theaghlaichean agus luchd-dèiligidh eile iomchaidh. Bha mòran de dh'eisimpleirean adhartach ann de chomhairleachadh le luchd-dèiligidh agus iad air an comasachadh gus buaidh a thoirt air co-dhùnaidhean cudromach ach cha robh beachdan chloinne, dhaoine òga, theaghlaichean agus luchd-dèiligidh eile fhathast a' toirt cumadh air poileasaidh, dealbhadh agus leasachadh seirbheis. Bha compàrtichean air aithneachadh gu robh feum air luchd-dèiligidh a bhith an sàs ann an co-chomhairleachaidh mu dhreachd Phlana Sheirbheisean Cloinne Amalaichte agus mu chloinn is luchd-fàgail càraim ann a bhith a' leasachadh ro-innleachd pàrantachadh corporra. Cha robh ro-innleachd ciallach ann airson mothachadh a thogail mu chòraichean cloinne. Mar thoradh air an sin cha robh cuid de chloinn is dhaoine òga mothachail gu leòr air na còraichean aca agus mar a dheidheadh an cleachdadach. Bha dìreach aon sgoil air feadh na h-eileanan a bha na sgoil spèis chòraichean le creideas.

Bha cuid de dh'eisimpleirean adhartach ann de cho-chomhairleachadh le luchd-dèiligidh agus de chothrom ga thoirt dhaibh buaidh a thoirt air co-dhùnaidhean cudromach.

- Sgrùdadh farsaing phàrant/luchd-cùraim ann an 2013 den h-uile pàrant sgoilear ann an Eilean Siar. Chaidh na toraidhean a chleachdad airson a bhith a' fiosrachadh Plana Gníomh Sheirbheisean Cloinne is Foghlaim airson 2014-17. Chaidh am fios air ais seo cuideachd a chleachdad airson a bhith a' fiosrachadh na h-eacarsaich fein-mheasaidh dearbhte. Lean àrd-anailis agus làn-bheachdachadh air na co-dhùnaidhean gu grunn adhartasan cudromach rim moladh.
- Bha ath-dhealbhadh a' churraicealam timcheall air comas-obrach stèidhichte air pearsantachd agus roghainn a bharrachd air a bhith a' ceangal ri priomhachasan ro-innleachdail. Chaidh cursaichean dreuchdail a sholarachadh a cheangal a-steach gu direach ris a' mhargaidh obrach. Bha seo na phàirt de ro-innleachd nas fharsainge gus bacadh a chur air daoine òga bho bhith a' fàgail nan eilean gus cosnadh fhaighinn. Bha beachdan, miannan agus ùidhean dhaoine òga air cur gu mòr ris na seòrsaichean cursa dreuchdail a bha a-nis rim faighinn.
- Bha buidheann Taic Autism a stèidhich pàrantan air obrachadh gu math le buidhnean is seirbheisean gus taic is cuideachadh sùbailte a chosnad gus soirbheachail. Mar eisimpleir a' coileanadh atharrachaidhean cudromach gus dèanamh siubhal san adhair no air muir nas phasa chan chloinn aca.
- Chuir luchd-obrach luach air cothroman fhaighinn gus an cuideachadh le bhith a' toirt cumadh air an àrainneachd ùr aca anns na sgoiltean ùra agus dh'fhaich iad gu robh na dealbhaidhean tarraingeach, air an togail a dh'aon gnothach a' toirt buaidh adhartach air gnè agus càileachd ionnsachaidh chloinne is dhaoine òga aig a' cheann thall.

Bha mòran de dhaoine òga misneachail gun deach èisteachd rim beachdan agus an cuir an gníomh taobh a-staigh nan seirbheisean a chleachd iad fhèin agus thug iad cunntas air gnè làidir taobh a-staigh gach seirbheis de bhith an sàs agus compàirteachadh brigheil. A dh'aindeoin sin cha robhas fhathast air ceangal dòigheil de chloinn, dhaoine òga, theaghlaichean agus luchd-dèiligidh a stèidheachadh ann a bhith a' dealbhadh agus a' leasachadh sheirbheisean. Dh'aontaich nas lugha na leth den luchd-obrach a fhreagair an sgrùdadh luchd-obrach againn gu robh làn aire ga thoirt do bheachdan cloinne, dhaoine òga, phàrantan, theaghlaichean no luchd-obrach nuair a bhathas a' dealbhadh sheirbheisean aig ìre ro-innleachdail.

Chaidh an dreachd phlana seirbheis chloinne amalaichte gnàthach a leasachadh le glè bheag de luchd-dèiligidh a bhith an sàs. Bha dùil aig com-pàirtichean an dreachd phlana as ùire a chleachdad mar phàipear obrach a dheidheadh a roinneadh le clann, daoine òga agus teaghlaichean gus am beachdan fhaighinn agus èisteachd ris na fiosan air ais aca. Thèid aire a thoirt don seo anns an dreachd mu dheireadh den phlana. Lorg sinn gu robh com-pàrtichean a' gealltann a bhith ag àrdachadh dol an sàs gu gníomhach agus bha iad mothachail gu robh feum aca air dol an sàs agus com-pàirteachadh gu h-èifeachach airson a h-uile neach-dèiligidh.

Bha a' Chomhairle agus na compàrtichean dealbhaidh coimhearsnachd aca air aithneachadh gu feumadh iad beachdan chloinn is dhaoine òga a bha fo chòraim a shireadh gus fiosrachadh nas fheàrr a thoirt don dleastanas aca mar phàrantan corporra. Bha tachartas o chionn ghoirid na thoiseach-tòiseachaidh gealltanach. Le

taic bhon bhuidheann treas roinn Who Cares? Scotland, choinnich buidheann de dhaoine òga agus luchd-fàgail cùraim a bha fo chòraim, agus bha iad toilichte am beachdan a thoirt gu direach do dh'àrd oifigearan ann an diofar sheirbheisean. Gu drùidteach, bha daoine òga air Curaidh Òg na Comhairle a thaghadh. Thug seo dleastanas sònraichte do dhaoine òga ann a bhith a' taghadh ball taghte gus na beachdan aca a riochdachadh aig ère na Comhairle. Bha buill den Chomhairle Òigridh air a bhith ag iomairt mu chuspairean nas fharsainge a bha a' toirt buaidh air ruigsinneachd dhaoine òga air seirbheisean, nam measg cosgais còmhaghail àrd.

Bha an Co-obrachail Tràth-ìrean air cuideachadh le bhith a' leasachadh dhàimhean nas làidire eadar sheirbheisean agus a' toirt misneachd do bharrachd luchd-dèiligidh gus cuideachadh le bhith a' toirt cumadh air leasachadh seirbheis is libhrigidh. Bha cothrom aig an seo spionnad a thoirt do bhith a' toirt luchd-dèiligidh an sàs nas doimhne ann an leasachadh seirbheis. Bha leasachadh Fòram Treas Roinn air a bhith na cheum adhartach ann a bhith ag àrdachadh an dòigh san robh iad an sàs ann an leasachadh seirbheis gus coinneachadh ri feumalachdan ionadail.

Bha clann is daoine òga a bha fo chòraim a' fàs nas fhiosrachail mu na còraichean aca tro obair Who Cares? Scotland. Anns a' mhòr-chuid de na claran a leugh sinn, far an robh sin iomchaidh, bha an leanabh no an duine òg air taic eifeachdach fhaighinn gus a bhith a' tuigse agus a' cur nan còraichean aca an gnìomh. Bha barrachd sheirbheisean comhairleachaidh rim faighinn agus iad fosgailte do chloinn is dhaoine òga. Ach a dh'aindeoin sin, bha com-pàirticean ag aithneachadh gu robh feum aca air adhartas a dhèanamh ann a bhith a' brosnachadh chòraichean cloinne gu h-èifeachdach. Cha robh mothachadh mu chòraichean cloinne fhathast mar phàirt de ro-innleachd brigheil a' toirt a-steach chloinn is dhaoine òga gu lèir. Mar thoradh air an seo cha robh cuid de dhaoine òga mothachail gu leòr air na còraichean aca no far am faigheadh iad a-mach mun deidhinn. Bha direach aon sgoil ann an Eilean Siar a bha na sgoil spèis chòraichean le creideas.

6. Dè cho math 's a tha ceannardas is stiùireadh seirbheisean do chloinn is dhaoine òga?

Tha an roinn seo mu dheidhinn na h-ìre gu bheil stiùireadh co-obrachail ag adhartachadh bhulean airson cloinn, dhaoine òga agus theaghlaichean. Tha a' toirt seachad bheachdan air èifeachdas na lèirsinn roinnte, luachan is amasan, ceannardas is stiùireadh agus ceannardas dhaoine. Tha e cuideachd a' sgrùdadh cho math sa tha stiùirichean a' gluasad adhartas is atharrachadh air adhart.

Bha laigse ann an ceannardas adhartais agus atharrachaidh. Ged a lorg sinn cuid de neartan, bha cuid de phrìomh raoíntean dèanadas a bha math gu leòr airson na h-eòlasan aig, agus builean chloinn, dhaoine òga agus na teaghlaichean aca a lughdachadh ann an dòighean susbainteach. Bha lèirsinn roinnte aig a' Chom-pàirteachadh Dealbhaidh Coimhearsnachd agus, gu h-iomlan, thug na priomhachasan ainmichte aca deagh aire do gach cuid priomhachasan nàiseanta agus an co-theacsa ionadail. Bha cuid de dh'eisimpleirean cudromach ann de stiùirichean a bha a' ceadachadh tasgadh iomchaidh gus taic a thoirt do choileanadh nan amasan aca. Ach, bha priomh raoíntean ann far nach robh stiùirichean fhathast air stiùireadh is dealas iomchaidh a thoirt seachad gus adhartas fhaighinn luath gu leòr, a' toirt a-steach cuir modhan-obrach ùr a bha riatanach gu reachdail, an gniomh. Bha dealbhadh coimhearsnachd a-nis ann an Eilean Siar a' tòiseachadh ag adhartachadh ach bha astar fhathast ri dhol airson co-obrachadh èifeachdach a thoirt gu buil ann a bhith ag aithneachadh agus a' coinneachadh ri feum agus ann an dealbhadh ionmhasail airson seirbheisean amalaichte. Bha dìth comas aig ìre ro-innleachdail fhathast na fhìor dhùbhlann. Bha dealasachd air ath-ùrachadh a dh'ionnsaigh adhartas leantainneach agus deònadas a bhith an sàs le co-chomhairleachadh neo-eismeileach timcheall raon de chuspairean cuideachail ach bha feum aig com-pàirtichean a-nis seo a thoirt chun ath ìre agus na modhan-obrach seasmhach aca fhèin a dh'ionnsaigh adhartas leantainneach a leasachadh. Bha feum air adhartasan dòchasach ann an obair na Buidhne Àrd Oifigearan (dion poblach) a bhith air am maidseadh le co-obrachadh na b'fheàrr eadar stiùirichean ro-innleachdail, gu sònraichte eadar an NHS agus a' Chomhairle, gus lìbhrigeadh seirbheis ùrachadh agus an cleachdadhbh as fheàrr a dhèanamh de ghoireasan trusaидh.

Bha a' Chom-pàirteachadh Dealbhaidh Coimhearsnachd a' roinneadh an lèirsinn aca airson nan toraidhean as fheàrr a bha comasach a choileanadh airson cloinn is daoine òga tron Chòrdadh Singilte Bhuilean. Bha ceanglaichean soilleir stèidhichte eadar lèirsinn, luachan is amasan a' Chom-pàirteachadh Dealbhadh Coimhearsnachd, agus na toraidhean is priomhachasan ionadail aca. Thug na toraidhean agus na priomhachas sin deagh aire do phriomhachasan nàiseanta agus cho-theacsan ionadail.

Bha modhan-obrach airson an leirsinn a leasachadh air a bhith nas co-obrachail thar ùine. Bha deagh chothrom ann fhathast, ge-ta, don chom-pàirteachadh an lèirsinn aca a thaisbeanadh nas soilleire agus gus dèanamh cinnteach gu robh a h-uile neach-obrach eòlach air agus a' roinneadh an lèirsinn aca. Cha robh targайдean déidheil, mar a chaidh am mìneachadh anns a' Chòrdadh Singilte Bhuilean, fhathast sònraichte no air an tomhas gu ìre gu leòr.

Sheall com-pàirteachan dealbhaidh coimhearsnachd dealasachd làidir don Cho-brachail Tràth-ìrean agus an fheum air priomhachas a thoirt do chasd is eadar-theachd thrath. Bha e na phrìomh fhòcas don t-Seirbheis Thràth Bhliadhnaichean a bhith a' brosnachadh tapachd, leasachadh fhallain agus casg air duilgheadasan a dh'fhaodadh clann is teaghlaichean a stiùireadh gu bhith a' feumachdai a bharrachd air ìre nas fhaide air adhart. Bhathas air tasgadh mòr a dhèanamh ann am fastadh agus trèanadh dha luchd-cùraim cloinne agus luchd-obrach tràth bhliadhnaichean. Bha modhan-obrach as fheàrr air fèin-mheasadh air cuideachadh le bhith a' togail aire chun fheum air aire dhìreach (agus ionmhas) a thoirt gu bhith a' dèligeadh ri reamhrachd agus ana-cleachdad deoch làidir. Bha an com-pàirteachadh a' faicinn obair gus dèligeadh ri bochdain (a' toirt a-steach bochdain connaidh) agus solarachadh taigheadas cheart mar phrìomh cheumannan casg airson a bhith a' dèligeadh ri ana-cothrom shòisealta agus beàrnan toraidh a dhùnad.

Bha cuid de mhodhan-obrach adhartach o chionn ghoirid do dhealbhadh coimhearsnachd ann an Eilean Siar a' tòiseachadh a' toirt buaidh adhartach air càileachd chom-pàirtichean aig ìre ro-innleachdail. A-nis tha barrachd eisimpleirean ann de obair air a cho-stiùireadh ged a mhair mòran atharrachaidh anns an ìre de cho-obrachadh thar nam buidhnean toraidh com-pàirteachais dealbhaidh coimhearsnachd.

Bha poileasaidh in-ghabhal na Seirbheis Foghlaim stèidhichte air clann agus bha e a' brosnachadh tràth-thaic, obair com-pàirteachaidh, eadar-theachd ìreil agus modh-obrach sùbailte a thaobh clann is daoine òga. Thug seo a-steach an fheadhainn a bha fo chùraim a dh'fhaodadh a bhith air briseadh air falbh bho fhoghlaim. Bha feum aig manaidsearan a-nis air a' phoileasaidh seo ùrachadh gus aire nas moth a thoirt do chomhairle nàiseanta gnàthach, do reachdas agus do fhrèaman-obrach dèanadais.

Cha robh ro-innleachd pàrantachadh corporra suidhichte agus chaiddh aideachadh gu robh seo air leasachadh dleastanas is obair phàrant corporra a chuingealachadh. Cha robh ach ìre bheag de thugse air na dleastanasan sònraichte aig pàrantan corporra, a thàinig gu bhith nan dleastanasan reachdail air 1 Giblean 2014, am measg luchd-dèiligidh. Bha dìth comais taobh a-staigh tadhal slàinte a' ciallachadh nach robh an t-seirbheis slàinte gu tur comasach air an t-seirbheis neach aimichte a' làn choileanadh (Tha sinn a' toirt iomradh air an seo nas tràithe san aithisg seo).

Bha feum air a' phlana seirbheisean chloinne amalaichte a bhith air a chleachdad mar mheadhan gus feartan co-ionannachd is in-ghabhal a bhrosnachadh, mar eisimpleir, ann a bhith a' dèligeadh ri cur an-aghaidh fearas-feise agus burraidheachd fearas-feise. Bha mòran de dh'eadar-dhealachaidhean cruinn-eòlach sònraichte ann a bhith a' faighinn sheirbheisean. Mar thoradh air an seo, cha robh na h-aon ìrean agus càileachd de sholarachaidh rim faighinn gu seasmhach agus gu h-ionannach air feadh na h-eileanan.

Bha a' Chom-pàirteachadh Dealbhaidh Coimhearsnachd glè thaiceil don Cho-brachail Tràth-ìrean, ga aithneachadh gu robh e mar stuth-catailis airson co-obrachadh nas fheàrr ann an Eilean Siar. Le bhith ag obair còmhla air a' Cho-brachail bha sin air mothachadh nan com-pàirtichean àrdachadh mu na dleastanasan fa-leth aca, air dàimhean nas fheàrr àrdachadh agus air an

cuideachadh gu bhith ag aithneachadh nan comasan mòra a tha an cois co- obrachadh.

Bha dealbhadh ionmhasail airson seirbheisean amalaichte aig ère leasachaид a bha caran tràth. Bha atharrachaidhean sònraighe a ann an ro-innleachdan dealbhaidh ionmhasail thar nam buidhnean com-pàirteachaidh agus cha robh co-rèiteachadh a thaobh buidseitean fhathast daingnichte gu ère a bha math gu leòr.

Bha e na phrìomh dhùbhlann fhathast a bhith a' lorg comas-obrach gu leòr aig ère ro-innleachdail. Bha e do-sheachanta ann an sgìre cho beag, gu robh comas stiùiridh ro-innleachdail air a chuingealachadh leis an fheum a bha aig àrd mhanaidsearan dleastanasan gniomha a ghiùlan. Bha mòran de phrìomh dhreuchdan gniomh agus ro-innleachdail thar sheirbheisean falamh no air an lionadh le daoine a bha san dreuchd gu h-eadar-amail. Chuir seo ri luaths atharrachaidh a bha slaodach.

Bhathas a' cleachdad a bhith a' leasachadh comhairlichean le mòr-spèis bho air feadh na dùthcha gus tomhas de thaic chuideachail a thoirt do luchd-obrach, a' toirt seachad tomhas de mhisneachd agus eòlas bhon taobh a-muigh ann an rèiteachadh fèin-mheasaïdh agus ann an ath-sgrùdaidhean cùise sònraighe. Ged a bha adhartas slaodach ann a bhith a' leasachadh Plana Sheirbheisean Chloinne Amalaichte, bha buannachd air fhaighinn bho thaic o chionn ghoirid bho chomhairliche bhon taobh a-muigh. Tha e cudromach gun urrainn dha com-pàirtichean an ceum seo a thoirt chun ath ère agus na modhan-obrach seasmhach aca fhèin a leasachadh a dh'ionnsaigh adhartas leantainneach.

Bha com-pàrtichean a' tòiseachadh air a bhith a' leasachadh geallaïdh nas làidire agus roinnte a dh'ionnsaigh adhartas leantainneach. Thairis air seirbheisean, bha luchd-obrach a' gealltann a bhith a' leasachadh nan sgilean proifeasant aca fhèin. Bha com-pàrtichean a' leasachadh cheanglaichean le coimhearsnachdan eileanach eile a thaobh slatan-tomhais; a' roinneadh deagh chleachdad agus a' leasachadh fhuasglaidhean mu dhùbhlannan roinnte. Ann an grunn sheirbheisean chleachd luchd-obrach priomh thomhasan coileanaidh agus cuimsean càileachd a thug fiosrachadh dhaibh mu cho math 's a bha na seirbheisean sin a' coileanadh. Ach, gu h-iomlan, thar nan com-pàrtichean gu leir, bha gainead de dhàta làidir gus cuideachadh le fianais mu adhartasan ann an coileanadh. Bha feum aig gniomhachd fèin-mheasaïdh air fòcas nas làidire air toraidhean agus a bhith air am measadh mu choinneimh amasan nas soilleire agus nas sònraighe.

Bhathas air beachdachadh faiceallach a thoirt do dhreuchd Àrd Oifigear na h-Obrach Shòisealta san àm ri teachd a tha cudromach do cheannardas proifeasant na h-obrach shòisealta, taobh a-staigh Sheirbheisean Foghlaim is Chloinne agus a' Chom-pàirteachadh Slàinte is Cùram Sòisealta. Bha Àrd-oifigear na Comhairle air gealltann gun toirear aithne do chleachdad proifeasant na h-obrach shòisealta agus àite cheart a thoirt dha air feadh gach cuid seirbheisean cloinne is inbhich. Bha an Àrd-oifigear Obair Shòisealta gu bhith a' leigeil dheth a dhreuchd sa Mhàrt 2016. Leis an eachdraidh a bha ann de fhior dhuilgheadasan mu bhith a' fastadh mhanaidsearan le teisteanasan obair shòisealta, bha fhathast mì-chinnt ann mu cheannardas proifeasant na h-obrach shòisealta san àm ri teachd anns na h-Eileanan an lar.

Thairis air na mìosan o chionn ghoirid, bha beagan adhartas air nochdad a bhith ann an èifeachdas na Buidhne Àrd-oifigearan, le priomh oifigearan bho bhuidhnean

buntainneach a' tòiseachadh a' frithealadh nas trice. Ach a-mhàin o chionn ghoirid, cha robh làthaireachd idir gu tric agus earbsach. Bha a' Bhuidheann Àrd-oifigearan a-nis le modh-obrach nas co-obrachail mu bhith a' tional agus a' cleachdadh dàta gus a' mhodh-obrach aca mu dhòn poblach a neartachadh. Bha plana gniomh dion poblach àrd-oifigearan nas dòchasaich a-nis air a shuidheachadh. Bha lèirmheasan structaran o chionn ghoirid air leantainn gu ceanglaichean nas fheàrr eadar buidheann nan àrd-oifigearan, a' chom-pàirteachadh deoch làidir is dhroglaichean agus an fhòram mi-ghnàthachadh dachaigheil. Ge-tà, bha na leasachaidhean sin, ged a bha iad dòchasach, fhathast uile aig tràth ìre.

Bha fhathast mòran dhùbhlannan ann mu atharrachadh ath-dhealbhaidh. Às aonais sealladh farsaing air feumalachdan chloinne is dhaoine òga, stèidhichte air measadh ro-innleachdail domhainn, làidir, bha e duilich a bhith gu cinnteach a' briseadh sìos obair 'silo'. A dh'aindeoin 's gu robh dàimhean obrach math thar sheirbheisean aig a' ghrunnd bha na bu lugha de dh'fhanais de dh'obair com-pàirteachadh èifeachdach co-chosmhail eadar stiùirichean ro-innleachdail. Bha fior fheum air adhartas ann an obair com-pàirteachaidh eadar an NHS agus a' Chomhairle aig àrd ìre gus libhrigeadh seirbheis ùrachadh agus dèanamh cinnteach gum biodh goireasan trusaidh air an cleachdadh nas èifeachdaich.

7. Co-dhùnadh, raointean de neartan sònraichte agus raointean airson adhartais

Tha luchd-sgrùdaidh misneachail gu bheil beathan mòran chloinne agus dhaoine òga a tha a' fàs suas ann an Eilean Siar a' fàs nas fheàrr mar thoradh air seirbheisean a chaith a libhrigeadh leis a' Chom-pàirteachadh Dealbhaidh Coimhearsnachd. Sheall staitistigs a chaith fhoillseachadh gu nàiseanta gluasadan adhartach ann an slàinte cloinne, coileanadh foghlaim agus cinn-uidhe adhartach airson luchd-fàgail na sgoile. Bhathas a' toirt deagh chuideachadh do chloinn is dhaoine òga airson a bhith sàbhailte, àràichte, gniomhach, airidh air spèis, earbsach agus air an toirt a-steach mar thoradh air a' chuideachadh a thug luchd-obrach dealasach agus co-fhreagarrach thar nan seirbheisean, seachad. Bha clann is daoine òga a bha feumach air dòn air an cumail sàbhailte mar thoradh air gnìomh ioma-bhuidhneil sgiobalta anns cha mhòr a h-uile cùis. Bha am modh-obrach Ceartas do gach pàiste le bhith a' solarachadh tuigse agus cànan roinnte, a' cuideachadh luchd-obrach air a' ghrunnd a bhith ag obair còmhla nas èifeachdaiche gus taic a thoirt do theaghlaichean so-leònte agus ag adhartachadh sunnd na cloinne. Bha luchd-obrach a' fàs nas misneachaile ann a bhith a' cleachdad chomharran sunnd agus bha seo gu tric ga dhèanamh comasach dhaibh taic ionchaidh a bharrachd a sholarachadh do chloinn aig tràth ìre. Gu mi-fhortanach bha dìth comas taobh a-staigh na seirbheis tadail slàinte a' cuingealachadh chothroman air a bhith ag aithneachadh na cloinne sin agus na teaghlaichean sin a dh'fhaodadh a' bhuannachd as mothà fhaighinn bho tràth-thaic a bhiodh èifeachdach. A dh'aindeoin na geallaidhean aig com-pàirticean a thaobh tràth-thaic is èifeachdach, cha robh iad fhathast comasach sealltainn gu robh a' mhodh-obrach aca soirbheachail ann a bhith a' dùnadh bheàrnán buileachadh agus a' lughdachadh neo-ionannachdan.

Ged a bha modhan-obrach adhartach o chionn ghoirid airson dealbhadh coimhearsnachd a' tòiseachadh a' dèanamh adhartas ann an càileachd chom-pàirteachasan aig ìre ro-innleachdail, bha feum fhathast air leasachadh sònraichte. Bha co-obrachadh cuibhrichte air cuir ri pàrantachadh corporra air nach deach mòran leasachadh a dhèanamh a bha a' toirt buaidh air na cothroman beatha aig clann, daoine òga agus luchd-fàgail càrach a bha fo chàrach. Bha seo ri fhaicinn ann an toraidhean droch fhoghlam is slàinte airson clann fo chàrach agus barrachd dìth-dachaigh dha luchd-fàgail càrach. Ged a bha leasachaidhean dòchasach o chionn ghoirid ann an co-dhealbhadh sheirbheisean cloinne, às aonais co-mheasadh ro-innleachdail air feumalachdan, chan urrainn do chom-pàirteachan a bhith cinnteach gu bheil an cothromachadh sheirbheisean ceart ann gus coinneachadh ri feuman gnàthach agus na tha a' togail ceann.

Fhad 's a bha an sgrùdadadh againn a' dol air adhart dh'aithnich sinn grunn neartan sònraichte a bha a' dèanamh eadar-dhealachadh sònraichte do chloinn is dhaoine òga anns na h-Eileanan an Iar. B'iad sin:

- Cho deònach 's a bha luchd-obrach "*barrachd oidhrip a dhèanamh*", ag obair thairis air na h-uairean aontaichte aca agus gu sùbailteach a bhith a' toirt taic shònraichte seachad do theaghlaichean. Chuir seo ris na h-ìrean àrd de dh'earbsa a chuidich pàrantan gu bhith a' cleachdadhe sheirbheisean agus a rinn atharrachadh comasach.

- Aire fhaiseallach don cho-theacsa ionadail anns na h-Eileanan an Iar. Comharrachadh cànan, cultar is traidisean ciùil na Gàidhlig a bhrosnaich dearbh-aithne roinnte agus mothachadh de bhuinteanas am measg mòran chloinn, dhaoine òga agus theaghlaichean.
- Ath-dhealbhadh a' churraicealam timcheall air comas-obrach a bha a' cur ris na h-àireamhan àrd de luchd-fàgail na sgoile a chaidh gu cinn-uidhe adhartach. Mar thoradh air beàrn a bha a' fàs ann an sgilean dhaoine òga bhathas gam brosnachadh gus beachdachadh air càram slàinte is sòisealta mar chùrsa-beatha agus a' toirt taic dhaibh gus teisteanasan obrach a choileanadh. Bhathas air teisteanasan obrach ann an sgilean traidiseanta leithid croitearachd a leasachadh gus roghainnean eile a thoirt do dhaoine òga agus taic a thoirt do ghniomhachas ionadail.

Bu chòir a' Chom-pàirteachadh Dealbhaidh Coimhearsnachd a-nis:

- Dèanamh cinnteach gu bheil fiosrachadh ceart is ùraichte mu sheirbheisean ri fhaighinn gu furasta le dotairean-teaghlaich, luchd-tadhail slàinte, luchd-obrach shòisealta agus luchd-obrach eile a bharrachd air teaghlaichean.
- Sùil èiginneach a thoirt air fior ghainead luchd-tadhail slàinte.
- Co-mheasadh ro-innleachdail a dhèanamh air feumalachdan gus dèanamh cinnteach gu bheil cothromachadh ceart ann de sheirbheisean farsaing, targaidte agus sònraighe gus coinneachadh ri feumalachdan gnàthach agus na tha a' togail ceann mu chloinn, dhaoine òga is theaghlaichean ann an Eilean Siar.
- Ag obair còmhla gus tional dàta thar chom-pàirtichean adhartachadh gus ceumannan a sholarachadh de għluasadan adhartach tro chasg is tràth-thaic, tro thoraidhean do chloinn is dhaoine òga agus na cothroman beatha a tha aig clann is daoine òga so-leònte.
- Dèiligeadh ris na cnapan-starra gnàthach de chom-pàirteachadh èifeachdach aig ìre ro-innleachdail.

8. Dè thachras a-nis?

Iarraidh Coimisean a' Chùraim gun tèid co-phlana gnìomh a sholarachadh a bheir cunntas gu soilleir air mar a nì Com-pàirteachadh Dealbhaidh Coimhearsnachd Innse Gall adhartasan anns na priomh raoitean a chaidh aithneachadh leis an luchd-sgrùdaidh. Ged a tha sinn misneachail gu bheil ùidh ag compàirtichean a bhith a' dèanamh adhartasan, tha sinn den bheachd gu feum iad taic airson sin a dhèanamh. Beachdaichidh Coimisean a' Chùraim agus buidhnean eile a bha a' gabhail pàirt san sgrùdaidh seo leis a' Chom-pàirteachadh air an dòigh as fheàrr a bheir iad taic do dh'adhartas agus aontaichidh iad pròiseas gus sùil a chumail air an adhartas aca ann a bhith a' toirt a' phlana gnìomh seo air adhart. Foillsichidh Coimisean a' Chùraim ath-sgrùdadadh foirmeil de adhartas a' Chom-pàirteachaidh taobh a-staigh 18 mìos bho thèid an aithisg seo fhoillseachadh.

Pàipear-taice 1: Eisimpleirean de dheagh chleachdaidhean

Anns gach sgrùdadh bidh sinn a' faighneachd do chom-pàirtichean eisimpleirean de deagh chleachdadh ainmeachadh as urrainn a shealltainn a thug buaidh adhartach air beathan chloinne, dhaoine òga is theaghlaichean. Tron sgrùdadh, tha sinn a' dèanamh measadh air na h-eisimpleirean sin agus a bhith ag aithneachadh an fheadhainn a tha sinn a' smaoineachadh a bhiodh feumail do chom-pàirteachaidhean dealbhaidh coimhearsnachd air feadh na h-Alba. Tha sinn a' moladh na h-eisimpleirean a leanas:

Cool2talk, Na h-Eileanan an Iar

Is e làrach-lìn eadar-ghniomhail a th'ann an 'Cool to talk' far am faigh daoine òga freagairt onarach is cinnteach mu choinneimh cheistean co-cheangailte ri slàinte. Bheir an làrach seachad faochadh, brosnachadh, fiosrachadh agus comhairle a thaobh cuspair sam bith co-cheangailte ri slàinte agus, ma tha feum, stiùireadh a dh'ionnsaigh seirbheisean iomchaidh ionadail no nàiseanta. Is ann air daoine òga de aois 12-20 bliadhna a tha an làrach ag amas mar luchd-èisteachd. Tha an làrach air a bhith a' dol ann an Taobh Tatha airson na deich bliadhna a dh'fhalbh agus thathas air fhaighinn anns na h-Eileanan an Iar bho 2012.

Bha com-pàrtichean ann an Eilean Siar draghail mu na dìth chothroman a bh'aig daoine òga air fiosrachadh diomhair fhaighinn agus dh'fheuch iad air dòighean ùra a lorg gus an fiosrachadh deatamach a thoirt seachad do dhaoine òga agus taic a thoirt dhaibh ann an sgìre iomallach is dùthchail. Bha iad mothachail bho dhàta nàiseanta gu robh daoine òga ag iarraidh cothrom air fiosrachadh agus taic fhaighinn. Dh'aithnich iad NHS Taobh Tatha mar chom-pàrtiche a dh'fhaodadh a bhith aca a bha mu thràth a' tabhann seirbheis air-loidhne agus chaidh seo a shìneadh a-mach gu soirbheachail gu na h-Eileanan an Iar ann an 2012.

Chaidh an t-seirbheis a bhrosnachadh gu soirbheachail agus tha daoine òga gu mòr ga chleachdadh anns na h-Eileanan an Iar. Bidh mòran a' tadhal air Cool2talk leis gu bheil àrdachadh mothachaidh a' leantainn am measg dhaoine òga agus luchd-obrach a tha an sàs le daoine òga, agus seiseanan trèanaidh cunbalach le luchd-obrach. Bidh com-pàrtichean a' cumail sùil air cleachdad an làrach-lìn agus a' toirt fios air ais do luchd-leasachaidh na seirbheis mu chuspairean dragh gnàthach am measg dhaoine òga. Bithear ag iarraidh air proifeasantach sgrùdadh a dhèanamh air taghadh de cheistean gach bliadhna.

Tha an t-seirbheis a' lionadh beàrn mhòr dha daoine òga a tha a' fuireach ann an sgìre dhùthchail far nach urrainn dhaibh an-còmhnaidh a bhith misneachail a thaobh a bhith gun urra. Tha daoine òga a' faighinn an cothrom a bhith a' beachdachadh air cuspair no dragh agus aig an aon àm a bhith gun urra agus le diòmhaireachd nach urrainn ach an eadar-lòn a thoirt seachad. Tha iad a' faighinn stiùireadh agus taic gus faighinn gu seirbheisean aig ìre ionadail no nàiseanta mas e sin an toil.

Leis gu bheil cuid mhath a' roghnachadh na seirbheis agus gu bheileas a' cumail sùil air ìre cleachdaidh tha sin ag innse gu bheil daoine òga ag àrdachadh an cuid eòlais air cuspairean slàinte agus sunnd. Tha fios air ais air a bhith gu math adhartach.

Croitear Og/Sgoil Bhàgh a' Chaisteal le Beatha Innse Gall

Thòisich Beatha Innse Gall (Hebridean Living), a tha a' toirt a-steach Croitear Òg, mar phròiseact ùr dà bhliadhna gus sgoilearan a bhrosnachadh gu bhith ag ionnsachadh tro bhith an sàs leis na gniomhachasan dùthchasach gnàthach iasgach is croitearachd. Chaidh an com-pàirteachadh sònraichte seo a leasachadh mar thoradh air fios air ais bho dhaoine òga tro sgrùdadh coimhearsnachd.

Tha e air ceanglaichean gu math èifeachdach is seasmhach a dhèanamh leis na gniomhachasan ionadail croitearachd is iasgach. Tha an com-pàirteachadh seo air nochdadh eòlas adhartach am measg thagraichean a thaobh foghlam agus trèanadh, faighinn sgilean beatha luachmhor, obair sgioba nas adhartaich, fèin-spèis nas mothà agus leasachadh air lionrathan sòisealta nas fharsainge. Bha gniomhachd dhaoine ionadail ann an iasgach, croitearachd, gniomhachas no tachartasan coimhearsnachd air ionnsachadh eadar-ghinealach chudromach a bhrosnachadh. Ma tha a' choimhearsnachd ionadail an sàs agus mar làn chom-pàirt de bhith a' comharrachadh coileanadhean dhaoine òga tha sin na phriomh phàirt de shoirbheachas is seamhachd na h-iomairt seo. Choilean iad duais Rionnan SQA Com-pàirteachadh na Bliadhna 2014.

Rinn daoine òga aithris gu robh iad air caraidean ùra a dhèanamh, gu robh adhartas nan cuid misneachd agus gu robh iad air sgilean ùra a leasachadh mar thoradh air a' ghniomhachd a leanas:

- A' còmhach chliabhan giomaich. Chaidh na cliabhan an cleachdadh gus maorach a bhuain airson an reic sa choimhearsnachd ionadail, a' leasachadh an tuigse aca air an luach eaconamach a tha aig iasgach don choimhearsachd.
- A' togail sgoth, bàta iomradh traídiseanta airson iasgach a chaidh a thaisbeanadh le pìobaireachd tron bhaile.
- A' dèanamh gruth is maragan dubha, a' leasachadh tlachd a thaobh sgilean traídiseanta agus àiteachas bheathaichean.
- A' planntachadh, a' fàs agus a' reic bhuntata.
- A' reic an toradh a rinnear aig Taisbeanadh Toraidh Ionadail Bharraigh is Bhatarsaigh agus anns a' bhùth ionadail Bùth Bharraigh.
- Sgioblachadh an eilean - a' cruinneachadh sgudail agus stuthan a thàinig air tir agus air oirean rathaid fad mhiosan a' gheamhraidh agus mus do thòisich ràithe nan luchd-turais, a' daingneachadh cho cudromach sa tha ceud bheachdan agus turasachd don eaconamaidh ionadail.
- Chuir tursan còmhnaidh gu tir-mòr ri bhith a' leasachadh sgilean beatha neo-eisimeileach. Mar eisimpleir o chionn ghoirid fhrithheal buidheann de sgoilearan S1/2 rop chruidh ann an Dail Mhàillidh.

Pàipear-taice 2: Slatan-tomhais deagh-ghnè

Tha comharan càileachd a' cuideachadh ionadan, ùghdarrasan foghlaim agus luchd-sgrùdaidh a' breithneachadh dè tha math agus dè dh'fheumas a bhith air adhartachadh. Anns an sgrùdaidh seo chleachd sinn dreachd de fhrèam-obrach de chuimsean càileachd a chaith fhoillseachadh le Coimisean a' Chùraim san Dàmhair 2012. 'Dè cho math 's a tha sinn ag adhartachadh bheathan chloinne, dhaoine òga is theaghlaichean? lùil airson a bhith a' measadh sheirbheisean do chloinn, dhaoine òga a' cleachdadh chuimsean càileachd". Gheibhear am pàipear seo air làrach-lìn Coimisean a' Chùraim.

'S iad seo na measaidhean airson naoi de na cuimsean càileachd.

Dè cho math 's a tha pisearch a' tighinn air beathan chloinne agus dhaoine òga?	
Ag adhartachadh sunnd do chloinn agus dhaoine òga	Iomchaidh
Buaidh air clann agus daoine òga	Math
Buaidh air teaghlaichean	Math
Dè cho math 's a tha com-pàirtichean ag obair còmhla gus adhartas fhaighinn ann am beathan chloinne, dhaoine òga is theaghlaichean?	
A' toirt seachad cuideachadh is taic aig ìre thràth	Iomchaidh
A' measadh agus a' freagairt chunnartan agus fheumalachdan	Math
A' dealbhadh airson clann fa-leth	Math
A' dealbhadh agus ag adhartachadh sheirbheisean	Lag
Com-pàirteachadh na cloinne, dhaoine òga, theaghlaichean agus luchd-dèiligidh eile.	Iomchaidh
Dè cho math 's a tha ceannardas agus stiùireadh sheirbheisean do chloinn is dhaoine òga?	
Ceannardas air leasachadh agus atharrachadh	Lag

Tha an aithisg seo a' cleachdadh an sgèile fhacail a leanas gus na breithneachaidhean a rinn an luchd-sgrùdaidh a shoilleireachadh.

Sàr mhath	sònraichte math, air thoiseach san earrann seo
Fìor mhath	neartan mòra
Math	neartan cudromach le cuid de raointean airson leasachadh
Iomchaidh	neartan dìreach os cionn laigsean
Lag	laigsean cudromach
Neo-thaitneach	laigsean mòra

Pàipear-taice 3: Na briathran a tha sinn a' cleachdadhe san aithisg seo

Is e an Com-pàirteachadh Dealbhaidh Coimhairsnachd ionadail do sgìre

Chomhairle nan Eilean Siar a th'ann an **Com-pàirteachadh Dealbhaidh**

Coimhairsnachd Innse Gall. Tha e a' toirt a-steach riochdarean bho phrìomh ionadachd is bhuidhnean bhon phoball, a' choimhairsnachd, an roinn saor-thoileach is phriobhaidich. Tha an com-pàirteachadh ag obair còmhla gus seirbheisean anns na h-Eileanan an Iar a dhealbhadh agus an lìbhrigeadh.

Is e aonta eadar Riaghaltas na h-Alba agus Com-pàirteachaidhean Dealbhaidh Coimhairsnachd a tha anns a' **Chòrdadh Singilte Bhuilean** a tha a' stèidheachadh mar a bhios iad ag obair gus adhartas fhaighinn air toraidhean dha muinntir na h-Alba a bhios a rèir shuidheachaidhean agus phrìomhachasan ionadail.

Tha **Plana Sheirbheisean Cloinne Amalaichte** airson seirbheisean a tha ag obair le clann is daoine òga. Bidh e a' stèidheachadh phrìomhachasan airson lèirsinn a choileanadh do chloinn is dhaoine òga agus na dh'fheumas seirbheisean a dhèanamh còmhla gus iad sin a choileanadh.

Bidh e a' **Chomataidh Dòn Chloinne** a' toirt còmhla gach buidheann a tha an sàs ann a bhith a' dòn chloinn anns an sgìre. Is e an adhbhar aca dèanamh cinnteach gum bi seirbheisean ionadail ag obair còmhla gus clann a dhòn bho mhì-ghnàthachaidh agus an cumail sàbhailte.

Is e **Ceartas do gach pàiste** modh-obrach Riaghaltas na h-Alba gus dèanamh cinnteach gum faigh gach leanabh is duine òg an cuideachadh a dh'fheumas iad nuair a tha feum aca air. Tha ochd cuimsean sunnd ann agus is iad sin a bhith sàbhailte, fallain, a' coileanadh, a bhith àraichte, gniomhach, a' faighinn spèis, earbsach agus a bhith air an toirt a-steach. Tha iad sin a' toirt seachad dòigh aontaichte airson a bhith a' tomhas na tha leanabh a' feumachdainn gus na comasan aca a ruighinn. www.scotland.gov.uk/gettingitright

Chaidh an **Co-obrachail Tràth-ìrean** a chuir air bhog le Riaghaltas na h-Alba san Dàmhair 2012 le taic bho NHS na h-Alba, Co-bhanntachd Ùghdarrasan Ionadail na h-Alba (COSLA) agus Seirbheis Poileis na h-Alba. Is e prògram ioma-bhuidhneil, ionadail, adhartas càileachd a th'ann air a lìbhrigeadh aig ire nàiseanta le fòcas air an toradh nàiseanta, gu bheil an toiseach-tòiseachaidh as fheàrr aig a' chlann againn agus iad deiseil airson soirbheachadh.

Is e siostam fiosrachaiddh riaghlaidh a th'ann an **SEEMiS** a tha seirbheisean Foghlaim anns gach Comhairle an Alba a' cleachdadhe.

Is e dòigh a th'ann an **Tràth-thaicean Goirid Deoch Làidir** a thathas a' cleachdadhe gus atharrachadh a thoirt air adhart ann an ìrean cunnartach ana-cleachdadhe deoch làidir. Bidh e ag obair le bhith a' toirt air daoine òga smaoineachadh ann an dòigh eadar-dhealaichte mu bhith a' cleachdadhe deoch làidir gus an tòisich iad a' smaoineachadh no a bhith a' dèanamh atharrachadh anns na tha iad ag òl de dheoch làidir.


Is e ionad òigridh tadhail a-staigh do chloinn 12-15 bliadhna ann an Steòrnabhagh a th'ann am **Pointers** agus tha e air a mhaoineachadh le Comhairle nan Eilean Siar.

Tha an **duais sgoiltean le spèis do Chòraichean RA Unicef** a' toirt taic do sgoiltean gus còraichean daonna chloinn a dhaingneachadh anns a' ghnè agus a' chultar aca. Tha an duais a' toirt aithne do choileanadh ann a bhith a' cur gnàthachas na RA air còraichean an leanaibh aig cridhe cleachdaidh na sgoile airson sunnd adhartachadh agus gach leanabh a chuideachadh gus a' chuid as fheàrr as urrainn dhaibh a dhèanamh.

Bidh an **inneal-comais brìgheil** a' toirt feartan sgoilearan ann an sgoil agus gam maidseadh le sgoilearan co-chosmhail air feadh na h-Alba. Tha seo a' cruthachadh sgoil bhrìgheil agus a' leigeil le comasan ciallach a dhèanamh eadar coileanadh ris am biodh dùil agus a tha dha-rìribh a' tachairt.

Pàipear-taice 4: Frèam-obrach slatan-tomhais deagh-ghnè

<i>Dè na priomh bhuilean a choilean sinn?</i>	<i>Dè cho math 's a tha sinn a' coinneachadh ri feumalachdan an luchd-dèiligidh againn?</i>	<i>Dè cho math 's a tha ar libhrigeadh de sheirbheisean do chloinn, dhaoine òga agus theaghlaichean</i>	<i>Dè cho math 's a tha an stiùireadh dèanadais againn?</i>	<i>Dè cho math 's a tha an ceannardas againn?</i>
1. Priomh bhuilean coileanaidh	2. Buaidh air clann, daoine òga is teaghlaichean	5. Libhrigeadh priomh phròiseasan	6. Poileasaidh, leasachadh seirbheis agus dealbhadh	9. Ceannardas is stiùireadh
1.1 Ag adhartachadh sunnd na cloinne is dhaoine òga	2.1 Buaidh air clann is daoine òga 2.2 Buaidh air teaghlaichean	5.1 A' toirt seachad cuideachadh agus taic aig tràth ire 5.2 A' measadh agus a' freagairt chunnartan is fheumalachdan 5.3 A' dealbhadh airson clann fa-leth 5.4 A' toirt a-steach clann, daoine òga is teaghlaichean	6.1 Poileasaidhean, ceumannan agus tomhasan laghail 6.2 A' dealbhadh agus ag adhartachadh sheirbheisean 6.3 Frithealadh chloinne, dhaoine òga, theaghlaichean agus luchd-dèiligidh eile 6.4 Coileanadh riaghlaigh agus dearbhadh-Càileachd 7. Stiùireadh agus taic do luchd-obrach	9.1 Seallaidhean, luachan agus amasan 9.2 Ceannardas air ro-innleachd agus stiùireadh 9.3 Ceannardas air daoine 9.4 Ceannardas air leasachadh agus atharrachadh
	3. Buaidh air luchd-obrach		7.1 Fastadh, stiùireadh-obrach agus co-obrachadh 7.2 Trèanadh luchd-obrach, leasachadh agus taic	
	3.1 Buaidh air luchd-obrach		8. Compàirteachadh agus goireasan	
	4. Buaidh air a' choimhairsnachd		8.1 Stiùireadh ghoireasan 8.2 A' coimiseanadh rèiteachadh 8.3 A' faighinn adhartas tro fèin-mheasadh	
	4.1 Buaidh air a' choimhairsnachd			



10. Dè an comas a th'againn airson adhartas?

Breithneachadh cruinne stèidhichte air measadh de fhrèam-obrach chuijmsean càileachd

Gus tuilleadh fhaighinn a-mach mu ar sgrùdaidhean rachaibh gu
www.careinspectorate.com.

Ma tha sibh airson beachd a thoirt air gin sam bith de na sgrùdaidhean againn, curibh fios thugainn aig enquiries@careinspectorate.com no dh'fhaodadh sibh sgrìobhadh an-toiseach gu Care Inspectorate, Compass House, 11 Riverside Drive, Dundee, DD1 4NY.

Tha am modh gearain againn ri fhaotainn bhon làrach-lìn againn www.careinspectorate.com no faodar sgrìobhadh chun a' Sgioba Ghearanan againn, aig an t-seòladh gu h-àird no fònadh gu 0345 600 9527.

Neach sam bith a tha fhathast mì-thoilichte leis na rinn sinn aig crìch ar modh gearain, faodar gearan a thogail ri Ombudsman Seirbheisean Poblach na h-Alba (SPSO). Tha an SPSO gu tur neo-eisimeileach le cumhachdan airson gearan mu roinnean agus bhuidhnean Riaghaltais a rannsachadh. Bu choir dhut sgrìobhadh gu SPSO, Freepost EH641, Edinburgh EH3 0BR. Faodaidh sibh fòn a chur cuideachd gu 0800 377 7330 (facsimile 0800 377 7331) no post-dealain ask@spso.org.uk. Gheibhear tuilleadh fiosrachaidh mu oifis an Ombudsman bhon làrach-lìn aig www.spso.org.uk.